





舒菽室詩存序

雲閒詩派振藻楚蘭馳情漢佩衣六銖而乘月機九張  
而織雲暈采玢斑春華情絢胎息二俊膚浸六朝意搖  
體骨辭動魂識故步兵高逸小史致其流連黃門方雅  
豔婦形諸歌詠普爲甄錄略可臚陳汎濫勝朝擗總  
昭代沿波討源含宮嚙徵夢召彩雀懷握靈蛇蔚乎挺  
此翹材鬱然成其文棟且夫詩之言持至張乎風化詩  
以見志涵泳其性情開金石感鬼神銘刻山川沐浴日  
月萬里而遙有如對面百世之下猶爲動心其思深其  
力緜恢恢有餘永永無極使惟締章繪句鍊月鍛句已  
誇鼎之舉其龍文卽謂劒之衝乎牛斗近是非是其然

詩存序

豈然雖世目之見推亦余心所不概及讀嘯山張君之  
詩瀏然以清戛然以長不探蔡邕之異書不學揚雄之  
奇字氣彌亘于宙合意牢籠乎區方勃念官邪抗誦春  
陵之作歛傷時變默存梁父之吟雖坐席三經陳書一  
篋而談笑常聞嘯歌不廢則沖襟可挹踵步卽幾于千  
里雅詠所被攄辭自安于六義湔袂舊俗導引新機非  
君而誰也方今泰運豐亨師行震懼黑山青犢之眾輒  
肆蠶屯黃中白騎之羣敢逞螳拒君筆下成章詩出爲  
史弭盜可示諸掌擊賊非徒以口乃夙抱智略甘同隱  
淪康成旣謝生徒草茁書帶表聖不事官職管憑松枝  
鄉人依以爲居邑里藉之引重居有暇日學不曠功苟

勗精審音律樂詳推步三五然後知君實通才詩猶餘  
事也若僕者儒真一孔文非七依因出門而論交乃升  
堂而結分放意所好開心見誠造殷深源談會常至冷  
與沈休文坐時不覺移辱示篇章謬加評隲才優于天  
下湖海氣豪品絕於人中椒蘭馨逸言超言表而言立  
詩在詩外而詩成若夫鍾儀之操土風夏統之唱小海  
豈足爲君道哉咸豐丙辰仲夏吳江董兆熊夢蘭甫謹  
序

詩存序

舒蓺室詩存一

南匯張文虎孟彪

善哉行

六龍挽車西沒東出長繩互天難繫白日解一方春向榮

桃李相依情隨事遷壯游日非解二甯飲濁河莫飲清濟

眾人皆醒而我獨醉解三三尺之桐中含五音七絃不調

孰知其心解四雄劍高飛雌劍挂壁仰天而歌聲裂金石

解五

卽事畱別

相逢纔把袂臨別又沾襟努力式明德敢忘嘉木陰滄  
波知己淚春草感恩心揮手竟無語南雲入望深

雁

詩存一

十里沙汀長綠蕪驚寒何處又銜蘆危枝漫效營巢鵲  
靜樹徒憐反哺鳥遙夜呼羣殘月墮晴空顧影片雲孤  
高飛莫爲虛弦誤任取人間認乙鳧

病臥仿佛山房

夜靜百境宋荒村交犬鳴樹聲風作陣鐙影鼠窺檠浪  
跡枝駢拇孤蹤木寄生枕前多少地雙淚屢縱橫

雜感

日夜迴腸轉輓轡強將談笑代悲呼天涯兄弟飄蓬散  
海畔風霜弔影孤倉卒肯爲巢幕燕危疑猶似聽冰狐  
傷心不忍頻東望黯淡寒雲萬木枯



築塘行

怒潮倒蹴金山根塘前齧齧增沙痕長官催呼役夫急  
萬指齊集如雲屯分班起號作邪許千槌雷動聲崩奔  
手胼足胝汗流血長官督責還相噴爾曹里居悉瀕海  
扞築慎勿辭艱辛年年畚揭訖無補此過自要官民分  
下塘搨土上塘築雖有禁令誰能遵剋肉醫創暫收效  
一旦泛溢愁湮淪方今制府重籌海飭下各屬毋因循  
爾曹受賞宜努力上累官長非良民民拜稽首敢勿勤  
民官赤子官民親怠頑不僅累官長鞭撻亦自歸民身  
君不聞昔年俞太僕君不聞昔年尹相公築塘不惜殫  
心力屹然堵柱如崇墉三千八百五十丈潮頭雖獾無  
由攻此邦戴德今百載父老稱說猶忡忡頻年海上多  
大風塘傾復築築復圯奉行故事難爲功烏乎君不見  
廟中龍神享血會低首無言待竣工

題黔滇苗圖

馬郎十六能擲刀頭插雞羽錦束腰蘆笙嗚嗚來跳月  
同年拍手還相招男女欣欣踴堂舞報草殷勤歲云暮  
明廷干羽播遐荒安樂年年祭盤瓠苗  
長裾綵綬樓初下學唱喁于共心寫妾家父母重錢刀  
玉雪嬌兒換牛馬昨夜前溪銅鼓聲還將雞骨陰晴  
木棉花發紅如火青布纏頭陌上行狝家  
泮柯直下程番府八帥屯軍遂分土姪女齊矜細摺裙

丁男慣擊長腰鼓圍爐厝火一覺眠風吹翠袖不知寒  
曉間處處椎塘響姊杵晨炊妹鍤田

八番子

跋履持鏢獨來往南詔之東勁無兩古郡犍爲自漢封  
諸營莫笑降王長羅帕封頤金耳環氈衫綵幅銀連錢  
郎鼓琵琶妾吹箎箎聲自應琵琶絃

焚

陽春三月花漫漫曠野人家戲鬼竿髻鴉翻作狗耳髻  
釵鳳偏宜馬鎧冠長簪裊裊當雲髮一片霓裳白於雪  
莫恥貧家荆布妝明珠慧苴誰能別

龍家

打牙剪髮俗最奇平地架木如羊栖剝牛召眾做大鬼  
桶裙五色紛離披身披褚袍兩髻秃隊小隨行跣雙足  
谿尚雲深射黑罽山田日出驅黃犢

花犢

詩存一

三

金環約臂腰挾弩深目長身闕如虎言語兇離狀宵停  
猙獰欲作天魔舞健兒本是水西羅跌脚吹笙自唱歌  
長刀斫地孰敢近掉尾斲頭柰爾何

獬獬

菊

金飆振百卉幽菊獨不驚擢秀寒圃內能使秋氣清顏  
色非不佳豈與凡豔爭採菊菊味苦君莫嘗菊英

歲暮

鐙盡還燒燭寒帷耿不眠風聲添夜雨客思入殘年愛  
靜翻成僻緣愁轉自憐寒潮與歸夢東注問誰先

公無渡河

戒友

公有剽犀劍莫斬蛟與鯨公有拔山力莫與天吳爭河

波撼天天欲傾，公胡爲兮臨流獨立而屏營。屏翳扇風  
洪濤四起老狐聽，冰載寔其尾盤渦轉轂千里一曲赤  
龍張須神螭睽，目輕身試一擲爲餌苦不足，烏乎公無  
渡河公渡河掉頭長往如公，何我將召河伯呼蓬婆駕  
白龜乘靈鼉蹕，勸公歸坎坎聽我篁篔歌。

松溪舟次

垂柳綠珍珍，往歲停舟處。獨鳥隨人來，悠然渡江去。

潮聲

犬吠遙邨夢乍回，空江夜靜片帆開。透牖一綫朦朧月  
萬斛潮聲擁枕來。

寄周堅伯壻客潮州

詩存一

四

揮手凌雲賦遠遊，海天飛夢落遐洲。蠻山瘴嶺嗟峨甚  
萬樹桄榔是越陬。

龍性從來未易馴，相逢萍水忽相親。黃荃畫本陽冰篆  
豪客多材數彥倫。

澤國蒼茫足寄居，幾回登眺自公餘。自來越嶠推奇勝  
天馬橫雲定不如。

金城石室儘幽尋，嘯傲當風效越吟。莫爲好奇頻命駕  
鳳溪東去鱷溪深。

登高望遠一徘徊，潮落珠江去復回。親舍白雲行不遠  
何緣飛到嶺南來。

幕府風流樂事多，潮童進酒蠻娘歌。離人自憶江南曲

不是魂銷爲越娥

潮陽自古番禺地  
蜃蛤魚鹽盡素封  
三百荔枝憑飽噉  
何須染指阿芙蓉

知交蕭落悵年來  
矯首雲天羨霸才  
欲把歸期訂遊子  
客牕記取木棉開

題姚古然丈

前樞

孤蓬聽雨圖

牢落江干短櫂橫  
濃雲壓岸暮潮平  
漁燈戍鼓參差裏  
屈指天涯第幾程

點滴疏篷攪睡遲  
江湖載酒欲何之  
故山迢遞難尋夢  
坐憶牀牀屋漏時

題紅林禽館詩草送古然丈之嶺南並寄堅伯

詩存一

五

三年作客游於越  
濯足龍湫訪石梁  
雁蕩峰巔一拍手  
浩歌夢落仙人鄉  
天台桃花粲如錦  
戲劖石壁呼劉郎  
西浮巖江略贛水  
筍輿往往凌青蒼  
歸來津吏搜行裝  
先生笑指古錦囊  
刻畫奇觀出奇語  
山水精靈此中貯  
百丈寒潭不起波  
時有蛟龍作雲雨  
讀君詩筆轉激清  
知君作詩用意精  
卻媿窮年事章句  
苦吟浪學秋蟲聲  
雄才信得江山助  
仙骨難將學力爭  
比聞又將南渡海  
此別徑須更幾載  
蠻烟瘴雨感慨多  
搖筆淋漓倍光采  
海豐東去古瀛洲  
予有平生故人在  
寄語豪懷近若何  
壯遊陸賈志蹉跎  
粵王臺畔如延佇  
爲我題詩弔尉佗

贈別陳大章

酌酒洗愁心心摧舌逾巧煮雪誑飢腸寒腹不飽誰  
使眼中人相看半枯槁憶昔聞汝名知汝能文藻江海  
有計生勩自謂與汝好誦汝冬聲詩出語驚奇矯何爲  
七尺軀及今尙潦倒邂逅一相逢頗恨聚日少男兒貴  
功名作達苦不早且復立斯須蓬門豈終老願爲孤飛  
鴻莫作投林鳥君行見計生爲我陳懷抱

敏航守風

艇子泊江隈蓬牖面面開亂帆分渡落悍水潑天來沙  
岸生春草烟村見晚梅爰居余亦暫鷗鷺莫相猜

寄懷趙星甫

紀勩

省親京口

得失豈無命孰云吾道非暴顛魚暫退蒼翮鶴終飛風

詩存一

六

雨鳴寒劍星霜閱敵衣 聖恩偏浩蕩猶賜一犴歸  
歸心向吳會舉手別燕京驛路三千里崎嶇匹馬行關  
山羈旅客桑梓故園情話舊一尊酒相逢爲爾傾  
孰意君歸日余猶滯柘鄉逮予旋故里君又向朱方遊  
子顏如昔衰翁髯欲蒼五年違定省暫得侍高堂  
京口推形勝東南控上關無雙今國士第一古江山得  
句羣峰外相思落日閒投詩向揚子流寄鯉魚還

送孫

汝璧

歸魯山

君言男兒負此六尺軀風塵奔走徒區區我謂風塵奔  
走計亦得閉門家會眞非夫願作神鷹掣攫九天上不  
願效寒鴟口拾腐鼠誇鷓鴣雛鷓鴣長苦飢寒鴟長苦飽

踈跋向征途，流年暗中老。君才固非易，君髯良未斑。我  
曹生世豈無用，一第何必憂。天慳送君歸，車班班。君家  
迺在汝州城南，百里閒。堯孫劉累，昔居此。至今父老呼  
堯山，此山遙連魯陽關。魯陽日莫戰酣處，三雅之水流  
潺湲。君不見龍可馴，日可止。壯士豪情有如此，莫把雄  
心擲江水。

憫農詞

少小任市廛，不辨農與圃。竭來居海隅，農工始親覩。寒  
耕復熱耘，胼胝難悉數。赤日灼肌膚，四體嗟似剖。方武切  
盡室事西疇，尚恐為榛莽。莫補切況聞海塘圯，桑田憂斥  
鹵。城市多游閒，側目笑村父。一日飯三餐，幾費耕作苦。

詩存一

七

入春多雨水，霖雨尤瀰瀰。一雨旣匝月，苦晴復繼之。十  
日趨趙風，河水吹成泥。高田生黃埃，下田龜兆岐。野老  
呼牛來，爲我聊推移。日午牛步蹇，野老憐牛飢。餒牛牛  
不食，牛臥人亦疲。人牛力俱盡，豈忍加鞭箠。仰天淚潛  
墮，嗟怨安得辭。

我歌憫農詞，重爲農夫策。晴雨固有時，且復勤汝責。黑  
豬昨渡河，天意似可格。詰旦陰雲生，霖雨在茲夕。炎風  
一以吹，朝日仍赫赫。四野聞農歌，焦殺情孔迫。儒生恣  
空談，無補飢與溺。誰能排九閭，爲之請甘澤。

錢武肅王龍簡歌爲錢澥薌椒作

明崇禎十七年吳中亢旱居民於太湖底掘得

銀簡重二十兩縱五寸奇衡三寸奇周刻一龍  
上雲下水文云大道弟子天下都元帥尙父守  
中書令吳越國王錢鏐年七十七歲二月十六  
日生自統制河山主臨吳越民安俗阜道泰時  
康市物平和遐邇清晏仰自蒼昊降祐大道垂  
恩今則特詣洞府名山徧投龍簡恭陳醮謝上  
荅元恩伏願合具告祈兼乞鏐壬申行年四時  
履歷壽齡遐遠眼目光明家國興隆子孫繁盛  
志祈元貺允協投誠謹詣太湖水府金龍驛傳  
於吳越國蘇州府吳縣洞庭鄉東皋里太湖水  
府告文寶正三年歲在戊子三月丁未朔二十

詩存一

八

六日壬申凡十行百七十有九字

國朝雍正閒吳江沈拙齋吏部嘗假搨數十本

翁徵君

廣平

得之以遺武康徐典簿

熊飛

徐以

轉贈武肅二十六世孫叔子按鄭坤洞庭記葉

弈苞金石錄補皆載有吳越投水金銀簡與此

互異嘉定錢少詹謂其時投簡非一次葉所見

本不言年號疑非武肅物此說固然然吳志伊

十國春秋注竟以葉見本定屬文穆則未有據

也續吳江縣志載此簡今下脫則字壬申行年

譌作庚申寶正三年譌作二年歲在譌作太歲

太湖備考亦承其誤豈均未覩此簡耶澥薈以

此簡裝潢成冊郵示索題因作長句寄之

商橫攝提歲孟冬叩關尺素來何從篁山人好事者  
寄我古簡燔雲龍硬黃瘦揚仿宋製押尾款識題重重  
百七十九字完好波磔秀拔神眷容錢王當日起草莽  
提三尺劔殲妖兇瓜分疆宇息征伐民無疹癘邊無烽  
投文告天歷洞府願國永享時熙雍上言大道弟子某  
列銜猶是朱梁封寶正三年在戊子爾時帝者唐明宗  
天成年紀元不加吳越字恐失事大遭乘塘靈德王碑寶  
石制書例與此相于喁自戊迄辛越三載若合符節無  
疑武康豐山靈德王廟碑題寶正六年重光單閏歲  
歐史載寶石山制稱寶正六年辛卯與此簡歲次  
正何人紀事失徵攷誤以柔兆當闕逢余公綽闕王事  
跡謂梁同光元

詩存一

九

年策錢鏐為尚父來年改寶正元年考同光元年係癸  
未來年乃甲申與金石所書年次不應通鑑考異糾之  
是也方今嗜古得君輩恍住深谷間楚楚惜哉荒愴不解  
事千年古物輕銷銘聞此簡今已鎔廢願君持此弃篋笥如寶  
白璧珍黃琮傳聞既渺史傳闕訪古猶得尋遺蹤殘宵  
披簡一再讀忽忽逸氣飛橫縱洞庭水府足金石誓當  
與君把臂胥母峰

衡山禹碑

衡山之高四千一十丈五方並峙遙對秦岱嵩華恆昔  
夏王禹帝命承曰汝不伐亦不矜作司空職惟汝勝下  
者陂高者陵隨山刊木四載乘岷山導江越南紀智營  
形折懷春冰血白馬以祭德動天鑿香始升乃夢元夸

使者乘飛軫金簡玉字祕綠騰禱黃帝巖禹乃登稽首  
頓首心兢兢檢以元都印書以南和繒壽之萬萬古刻  
石垂雲仍天吳帝江驚且歿暨巫支祈罔不懲元圭告  
成錫爾祔天柱紫蓋何峻嶒七十二峰環相緼宇宙大  
文神所憑逾三千年見未曾昌黎韓退之好古勤擔簦  
祝融峰頭欲上不得上千搜萬索歎息愁撫膺何時螺  
書龍畫忽出世坐使仰屋著書之輩爭誇詭夔門觀中  
七十二字今已佚岳麓院本較多五字誰所增郎瑛楊  
慎諸譯見各別歷年久遠孰辨淄與澠或釋咨爲嗟或  
讀永爲蒸子雲希馮世無有蝌文鳥篆可想不可徵東  
柳陶生何處得一紙字跡完好無侵凌體勢如鳥翾飛

詩存一

十

翻或蟠結似騰蛇騰口欲雒誦不敢騰筆欲仿象目遽  
膏以手摸之疑有楞我聞昆明成都長沙西安紹興盡  
拓本當時真跡乃在岫巖之洞封以雲層層安能裹餽  
糧足躡屣與騰墨松滋紙剡藤方羊石壁閒仰臥曲兩  
肱天帝六丁毋我憎宣此苞符之祕開蒙顛攜歸以之  
託十朋復恐下士大笑聲如蠅

元祐黨籍碑

元祐舊臣如贅疣一網打盡今無憂臣京載筆志諸石  
大書深刻垂千秋沒者追官奪封諡存者降斥窮荒投  
朝廷從此亂黑白毒道四海天爲愁不三十年時事變  
陸沈痛哭嗟神州老奸竄逐死奚惜蒙塵之慘君何尤

否終則傾易所誠要當未雨先綢繆爾時哲宗固英王  
背憎孽沓誰爲謀羣姦切齒睨政府退居詎肯忘私讎  
協恭補救方未暇一室底事操戈矛攻蘇發難自賈易  
孰意酷禍連同儔臣工專己至孤立目之以黨非無由  
燿火焚林漫莫辨搢紳何幸隨清流此碑列名三百九  
僉壬附驥占包羞鳳皇之羣百身游此中那得容鴝鵒  
五都市物罔不收頑石豈許儕琳璆曾布章悼楊畏李  
清臣慎勿喜公論自解分薰蕕

早起

曉聞好鳥鳴乃在嘉樹顛清露晨未晞山花夜初然性  
情得所契與物皆安便擁書北牖下綠草何芊繇眾籟

詩存一

七

自喧寂我心渺無緣忽悟彭澤令固在羲皇前

張氏梅林訪十女殉節處

賸粉零脂委劫塵玉梅千樹表貞珉月明環佩歸來後  
仍爲癯仙作主人

靈芬何處薦疎麻樹古池平舊跡賒猶有存亾家國恨  
夜深彈淚與梅花

後築塘行

前年築塘海潮大十丈潮頭決塘過去年築塘多海風  
風沙捲地潮連空民財已竭工猶蕩督部陳情

聖恩廣白提粲粲黃紙封今歲修塘是官帑監司來太  
守來七邑聚議塘工開塘工開插旗打鼓船巍巍郡符

萍料如霆雷高飛精衛何爲哉西山木石空成堆將雛  
秋燕渡海去曷不海外銜泥回內塘泥盡塘工促卻向  
灘前取泥築三百青銅五斗泥不耐潮魚一翻覆督工  
大令慘不肥肩輿僂從行如飛槌聲丁丁起塘下萬夫  
併力妃呼豨妃呼豨聲不任輿中大令顏色豫里胥乾  
沒役除頭日借塘工樂且曠昨夜迴瀾到半塘勢挾金  
山向西去君不見年年扞海海愈狂官司蹙頽丁夫忙  
安得一勞永逸無彷徨恨天不生俞海防明年八月秋  
潮漲更斂民捐募築塘

酬姚水北丈

納

伯勞飛燕鳴春風五昔城邊逢髯翁切雲之冠佩長劍

詩存一

三

虬須虎眉方兩瞳祝融燒天火繖紅朵雲墮地來郵筒  
一卷崑嶼亦何有品題乃比羅浮峰君不見羅浮峰峰  
峰矗立青芙蓉仙袞化作五色蝶滿身香霧游花叢讀  
君新詩知自道筆妙欲使天無功片辭莫贊幸勿訝長  
城敢以偏師攻嫩涼七月秋字空停車草堂訪盧鴻浮  
梁酒熟勸我飲縱談八極開鴻濛丈夫通經貴致用何  
爲蹀躞蓬蒿中金馬承明夢不到寸莛莫扣豐山鐘才  
名嚇鬼鬼翻笑君從兄蘇卿文當題君詩藁云才名嚇鬼徒欺世詩句驚人欲問天坐使

二豎乘詩窮別來五月書兩通停雲北望心忡忡千言  
脫手劍出匣彼病魔敢撓君鋒周柱史漢赤松安得四  
方上下長相從幅巾倘踐當時約待爾山前綠玉筇

岳忠武王名印歌爲王徵君之佐作

十二金牌三字獄風波亭畔冤魂哭滄桑瞥眼小朝庭  
那及忠臣一方王玉高徑寸廣九分斑駁或作雲雷文  
女丁婦壬躋舌退劫火雖烈何由焚鞭筆伊誰妙鐫刻  
兩字昭然辨波磔隱約芝泥慘不鮮當時血濺萋宏碧  
湘水沈淪六百年著錄未入金陀編王郎展轉偶得此  
已去復返容非天吁嗟乎忠武功名滿人口一印存亾  
亦何有惟有淒涼慕古心歎息摩挲屢搔首君不見痛  
飲黃龍語豈誣姓名曾作辟兵符聞磬早使烏珠遁膽  
落金兵不敢呼

由周莊至桐里

詩存一

三

際曉東風急輕舸縱所如湖光浮遠碧帆影墮晴虛隔  
岸聞津鼓連村響水車望霖情正苦雲意故徐徐

過芙蓉湖

夕陽影裏片帆道無際烟波淡不收嵐氣晚含千樹潤  
水風涼蕩一湖秋尊前碧玉窺歌扇郭外青帘認酒樓  
料得九龍應齒冷逢山如此未句畱

丹陽道中

下流襟帶控朱方水遞恩恩驛吏忙百里郊原連秫稌  
六朝陵寢散牛羊長隄峻岼疑穿峽小隊騎輪半馱糧  
恰喜西南風解事片帆容易過雲陽

翠微亭

下山復上山，蹋葉陟高嶺。羣峰羅蒼茫，合沓亂光景。孤  
烟何處起，倏忽滿山頂。有時露雙鬟，華妝愈蔥靨。人投  
遠林樹，鳥沒寒空影。長江一衣帶，詎辨濤萬頃。金陵十  
萬戶，秣米不可省。坐收金粉地，盡入清涼境。思遙語已  
忘，目極情爲騁。引袖挹長風，白雲四山冷。

雨花臺

仄徑緣梅岡，巖椒望來久。螺旋凡幾折，力憊屢抖擻。山  
顛反平夷，其廣無半畝。荒臺存故址，斑剝苔錢厚。雲物  
媚千巒，烟霞挾兩肘。羣山如聽法，拱揖紛左右。想當誦  
經時，一一皆點頭。天風吹曼陀，繽紛著林阜。豈知諸有  
相，彼相實無有。雨花花非花，不淨亦不垢。一勺乞南宗。

歸吟悟菖帚

詩存一

西

方正學祠

叔父非元聖，皇輿誤太孫。九原真可質，十族竟何論。鐵  
案存心史，麻衣裹血痕。景公祠不遠，風雨泣忠魂。

石城山

遠接鍾山勢，巉巖氣鬱森。伏龍曾至此，駐馬一登臨。建  
業降旛亂，長江鐵鎖沈。石頭頑未解，虎踞到如今。

登燕子磯

磴道捫蘿上，疏鐘曉正撞。風帆迴絕壁，人語落空江。樹  
密雲遲度，濤洶石不降。蟠龍王氣在，南望翠崆峒。

觀音山尋三台洞

崇山當大江巖嶂立積鐵幽探約朋輩冥搜性所結上  
台豁窳窳仙源踞岷嶷金鼇及玉笥靈境相頽頽延緣  
坎窞穿噴薄蒙泉滌披榛塗屢窘附葛石共揭懸厓削  
青蒼仰望慮一跌有洞窅而深有潭寒且泐肌膚痒生  
粟疑貯太古雪左顧何孱然一洞復斗絕盤旋折而上  
十指閻難別跋前足幾頓窻後手相拏須臾睹光明一  
綫頂上裂層層巧嵌空歷歷孰彫剝極知渾沌初拔地  
止巉岬老拳六丁撐利齒應龍齧自從七竅鑿勿乃元  
氣泄雲荒怪鳥聚境邃山魑竊誓將告眞宰重使地戶  
閉入大笑顧同儕吾言得非褻

游九龍山欲望太湖遇雨卻返

詩存一

五

九龍乘雲戲東極罡風吹落具區側罡風一吹雲化石  
九龍衙衙飛不得怒捲湖波噴去寒碧伏冰洞口源始  
通倒懸屈注圓池中下池出山分二派灌溉萬頃資農  
功雙河南梁谿東涓涓一尺水卽有七年之旱天難窮  
自從陸羽誇泉品文士清談拾餘瀋詎知利賴在居民  
但解紛紛論茶飲我來策杖當秋陰入庭古木涼森森  
石闌迴合水清泚對此不覺消塵襟山僧苦邀上高閣  
空翠冥濛來眾壑魚眼初圓雀舌新定州花瓷試斟酌  
或言太湖三萬六千頃盍向山巔眺溟滓我聞其言心  
勃然便欲芒屨登絕頂山靈妬我游興豪松風逐客鳴  
調刁雨意已壓長林梢挈侶且復歸吳舸回望青山渺

何處浮雲漫漫如柳絮漸沒山腰沒山樹恰疑嶺阜盡  
成雲依舊隨龍上天去

乍浦

濱海此雄鎮復看全盛時異方爭雜處市舶炫珍奇自  
昔遭倭寇民生數困疲承平今已久誰更憶瘡痍

陳山弔李介節故居

千古龍湫水傷心不起波艱難貞士淚漢落采薇歌遺

籍新梨棗

所著蜃園集九山游草冷機社月令詩梅花百詠九山志俱先後刊行

荒居老

薜蘿九峰烟雨裏山鬼在巖阿

錢夢廬

天樹

當湖老名士也以嗜古好客貧其家

性喜竹仿竹裏煎茶圖寄子云欲令知我者題

詩存一

之勿泥圖意賦此以答

六

清波一片蕩湘雲綠映須眉對此君室有圖書供遣日  
座餘賓客快論文茶鑊藥臼憐中歲漁婢樵青數舊聞  
猜作元真渾不是東湖西塞聽人分

襍感

去年陰雨多累月方未已魚鼈皆乘堙濺濺亂於螳良  
田無高下禾頭盡生耳巍巍大令堂鄉民至者幾穀觶  
俛報荒官曰爾誤矣爾實自惰農歲饑罪亦抵爾荒爾  
誠得催科我何以不見鄰邑侯動則加責捶我仁爾毋  
溷我亦姑貸爾爾歸整官糧我將事徵比

鄉農七八口生事多憂煎如何加餐食偏在饑饉年日

夕鸞雙弓鵠面誠可憐兩日五升米三百青銅錢斗糧  
加正耗不齊倍徙焉東家作胥吏邂逅官衙前洋洋擁  
裘馬昨夜倡樓眠西家游手郎作隸何翩翩怒我完納  
遲輒欲飽老拳惶恐脫我衣衣破不掩肩質銀供子醉  
酒溥毋我愆歸家視兒女兒女號飢寒吁嗟乎耕夫不  
如耕石田

民窮易爲非法縱實滋盜云何枯朽骨乃亦遭劫暴劫  
暴夫何爲官曰爾自貽土厝久不葬爾罪誠可治前村  
何富室三世遺孀孤強梁忽排闥戈杖紛相拏爾衣盍  
開箱爾金盞蓋篋憐汝寡且弱我行弗汝狎昨聞東門  
外姑老媳亦孀遇賊向賊拜聲出刃已傷官曰賊無罪  
慢藏與治容爾傷我視爾全體毋許蒙婦聞驚且慙請  
官幸勿究官曰姑舍之小竊固可宥官廉境無盜瀆訴  
何喧喧明歲且大計上考當遷官

南湖望烟雨樓

倚蓬重賦舊鴛鴦六載南湖別夢長敗柳搖秋樓半圮  
更無烟雨但斜陽

由孤山背重至放鶴亭訪巢居閣是夕夢至其處

恍惚得一絕

放鶴亭西小閣東平橋流水夕陽紅梅花萬樹失歸路  
獨立亂山寒翠中

雲林道中

但逐流泉入不知山已深泉聲有時遠山氣忽成陰杉  
徑雜松徑桑林連竹林兩高峰夾路空翠撲衣襟

### 飛來峰

一巖千百峰一峰數十孔一孔易一形譎詭殊可悚嵌  
空縣石腳墮地忽曳踵橫坡方委蛇作勢忽上涌仰視  
或一隙如鳥卻在籠張口氣鬱森側足石龍從魚貫慎  
傴僂蛇行敢曲踊覩茲皺瘦透餘山覺臃腫想其在西  
竺頗厭佛法尤攬勝烟水窟拔地此孤聳不然飛來時  
豈不苦癡重彼哉諸梵天剗刻誰作俑惡詩及劣字問  
題復堪啖剝膚已無完母乃大偈罽乾坤固非窄有翅  
胡不獲重飛向海濱洗滌除種種握手三千年人世一

### 詩存一

六

蠓蠓撫石笑且歌羣岫若飛動我欲呼老猿潭潭白雲  
蔚

### 冷泉亭

白石鑿鑿泉泠泠眾山如笏朝一亭片時坐對心骨冷  
無奈山僧不愛聽

### 越捫壁嶺至雲棲陽

怪石何巉巖竄絕不可上布襪青行纏逐此流泉響流  
泉忽不聞山勢愈湲決眾峰互鉤連突兀似爭長絕壑  
鳴松濤一落賦千丈人跡所不至或有夔魍魎十步五  
步憩登頓勞俯仰安得飛空仙贈我九節杖

西亭曰碧松東亭曰望仙兩亭屹相對矗立山之巔延

表下山路曲折如蝸旋蒙茸雜竹樹夾路青條然深溪  
多亂石絡以涓涓泉村莊數十家籬落交炊烟陶陶太  
古風雞犬靜不喧昔有武陵人誤入桃花源此境在人  
世誠哉非寓言

夕照銜深林山容漸蔥蘢人行濃綠中途轉景屢變階  
壁罨藤蘿猿臂庶能牽去叢篁不知遠樵路通一綫隔  
陽竹雞啼松鼠有時見前行方逶迤後顧有餘戀蒼然  
暮靄合暝色忽已徧浩歌山石詩茲游吾豈殿

晨起踰五雲山沿九溪十八澗至理安寺

奇峰鬱崔巍山僧指相語窈窕幽篁中五雲從此去朝  
陽散林薄野鳥出深樹拾級身漸高寒雲襲芒屨江光

詩存一

九

忽離合苔磴聊可駐四顧烟蒼茫我來定何處

縈紆盡山麓細路緣江頭平波淨如練一一青螺浮且  
行舍之去曲澗隨人流白石紛可數石上羣魚游溪聲  
斷還續日夜無時休不知深潭中容得蛟龍不  
松杉漸蒙密不覺山深深深深若無路彌望皆清陰苦  
莽亂於薺碧葉交蕭森想當春和時香滿游人衿枯藤  
絡奇石古樹懸修岑山罅出迴湍激激金石音

逢公昔伏虎栖息於南山羣峰競朝拱草木羅芊繚鑿  
石起高閣縹緲青松巔我來一憑眺毛髮皆清寒老僧  
頗解事飲我法雨泉坐間江濤聲鞵鞞几席閒

于忠肅公墓

旌功祠畔拜松楸痛哭廷爭信老謀居守目夷緣社稷  
生歸晉惠是俘囚南宮兵仗紅燈暗東市朝衣碧血流  
買鐵何當鑄徐石千年長踞墓門秋

石門道中

寒風浙浙水潺潺夢落西湖幾處山濁酒半醒燈半爇  
一蓬疎雨石門灣

東坡生日同人集井眉居分賦

岷峨山空髯翁死八百年來一人耳男兒墮地六尺軀  
嶽降崧生有如此人間帝王不愛才朝登玉堂暮瓊雷  
詎知榮顯在身後南箕北斗何爲哉冬十二月窮陰頽  
窮陰釀雪霏皚皚春風一扇雪忽霽蕭齋此日瓊筵開

詩存一

三

羹不必牛尾狸餚不必花豬肉不必蒲萄酒千斛松風  
颼颼一甌綠東坡先生睡初足三生赤壁寄精魂萬古  
青山竝芳躅荔枝丹兮和蕉黃爲公介壽齊彭殤先生  
掀髯默無語不飲輒復觀酒狂願公且勿笑酒狂羈愁  
歲晚天茫茫命宮我亦同磨蝎欲把奇懷問大荒

泰西穆尼閣法推  
算命宮正在磨蝎

予生  
辰依

讀姚蘇卿先生

清華

弦詩塾集卽酬見贈之作竝

問近疾效集中體

杜陵不可作此老信吾師大澤有神物喬松無醜枝羣  
兒弄鉛槧幾輩畫胭脂砥柱先生筆橫流滄海時

昔歲曾相訪題詩舊草堂替人慙錄錄知己感茫茫

庚寅

人日奉訪見贈有君從意外逢  
知已我幸生前見替人之句  
謬託蒹葭倚重親翰墨

光班荆餘涕泪鄰笛起山陽  
謂伯舅古然先生

兀兀弦詩叟靈光獨巋然  
英雄餘白髮手稿積殘年我

乏畫眉筆君遺卻扇篇  
初昏夕見贈卻扇篇平生傾倒意小集拜

蘇仙  
十九日同集井眉居

亦有神仙福酣吟樂歲終  
摧眉嗟李白塌額訝盧同  
先生

以失足傷額勝事每畱憾微疴  
涵乃公得詩應一笑且任碧

翁翁

詩存一

三

舒蕺室詩存二

南匯張文虎孟彪

釋覺堂 畫竹歌

白頭老僧狂不死萬箇琅玕一彈指世人畫角與描頭  
笑殺癡蠅鑽故紙阿師寫竹能寫神交柯亂葉皆天真  
子規夜啼秋雨泣雲旗恍惚湘夫人有時枯腸得酒生  
芒角逸勢橫斜隨意作一竿突兀忽凌空鸞尾翛翛瘦  
於鶴江湖放浪不自持三絕自方禪月師佛亦可呵祖  
可罵肉眼不識疑爲癡鳥乎六神通八解脫何者是佛  
乾矢橛平生不解口頭禪但有英雄一腔血熱血淋漓  
寄此君蒼茫潑墨成烟雲胸中奇氣自蟠鬱渭川千畝  
鳥足云君不見當胸寫出從人看節節枝枝都未算安  
得鵝溪三丈絹請公放筆爲直幹

詩存二

芳草

菁菁此芳草目之爲畱夷託根嘉樹陰生意何離披炎  
歎固云免雨露亦已稀山中有奇樹直上情無依嚴霜  
不加損赤日誰能欺君子當自立小人獨雞栖感彼庶  
下春桂萼將奚爲

篔簹山道中

宵渺寒波穩放舟霜林幾樹隔船頭自然名士貪高隱  
時訪何遂遣詩人結勝游水郭山村平入畫漁莊蟹舍  
野宜秋興來更鼓青溪櫂多謝東風阻石尤將歸郡城以風阻因

寄熊露麩丈

昂碧

十年前讀君詩橐健筆清才近來少力翻滄海注毫端  
狂摘冰蟾入懷抱詩人自古例窮餓蓬巷誰憐守枯槁  
忽將橐筆尋舊游露宿風餐走燕趙劉買城邊古意多  
韓王山下吟情好富貴豈能酬志願江山足雄文藻  
吾生好游百不遂仰屋書空似殷浩有時哦詠學秋蠅  
敢把啁啾鬪春鳥感君書中遙助我努力羣經事學討  
神交空復悵停雲望遠無繇寄瑤草秋風催客賦驪駒  
一路關山送晴昊舉手纔辭簡子城回頭已隔吾兒堡  
十二年來客況非三千里外人歸早吾家外氏君故友

詩存二

久歷風塵厭憧擾聞說相如今倦游三徑蒿萊爲君埽  
殘冬銷寒苦無俚笠屐圖陳奉糕棗社賢未許闕陶公  
雅集同期拜坡老槃敦應推執牛耳雪泥詎惜畱鴻爪  
詩成一笑驚髯翁舊雨新知共傾倒君不見文章有神  
交有道

題折枝梅花

昨夜東風吐碧蕤一枝寒玉瘦垂垂道人立盡黃昏月  
雪滿空山欲寄誰

飲酒

殘臘方未艾忽已回陽春無衣復無褐天意矜窮民西  
鄰枯槁士被服百結鶉開軒讀我書墊我烏角巾催租

并無吏有酒且滿尊嚴冬得奇遇樂此春風温歲除電  
熠熠元旦雷殷殷

殷殷聲不絕始雨俄成雪昨日雪沒脛今朝雪沒膝虛  
空忽粉碎六合同一潔頗疑東皇公投壺誤蹉跌天公  
笑開口玉女灑璃屑誰知人間世縮頸寒氣冽酒星不  
畏寒醉覺雙眼纈但爲袁安臥不學蘇武齧

悠悠杯中物可以除囂陵時復一中之勿爲憂患乘陰  
陽固有變人事求其恆迂儒論愆伏瑣碎安足憑不見  
六出花早獻休祥徵書生求醉飽此外非所勝呼童買  
村醪獨酌無須朋一醉不知曉紅日東方升

下塘河舟中同錢

熙泰

詩存二

三

百里石門道烟波溯下塘愚民爭佞佛隙地徧栽桑理  
楫看漁暇投林任鳥忙臨平好山色一半夕陽黃

謁林處士祠兼禮姜白石像

荒祠當嶼曲三徑半榛蕪白石宜爲友青山自不孤梅  
花高士夢鶴髮老仙圖秋菊誰同薦游船滿後湖

游紫雲金鼓二洞因至雲岫庵嬾雲窩

結伴尋桃溪羊腸繞脩坂岳岳烏石峰卓立氣蕭散秋  
晴炫密樹紅綠紛滿眼陰壑生迴風陽厓走連巖覓徑  
方嶮欽入洞轉平坦舊游聊記憶坐覺烟景晚荒庵森  
竹掩壞壁藤蘿縮出岫雲無心不出雲更嬾野鶴嬾於  
雲飛來竟忌返

金鼓洞前鶴林道院壁嵌石刻  
飛來野鶴四字傳是呂仙書

護國寺壁見釋祖觀詩有懷卻寄

偶印鴻泥世不知蒲團想見獨吟時滿山殘葉月如水  
只有蒼猿解聽詩

移寓十三間樓志壁

在寶石山大佛寺右東坡守  
杭時每治事於此廢為彌勒

院近郡人瞿世瑛重  
昔樓三楹仍其舊額

一席香龕許暫同置身真在畫圖中十三間廢今陳跡  
七百年前此寓公無恙湖光晴愈好有靈詞客感何窮  
開牖看放孤山鶴萬古通仙共暮翁

八月十五夜對月

良宵久坐意悠然一鏡秋空分外圓明月亦貪仙世界  
好山都結佛因緣當牖獨樹伴清影臨水數燈知酒船

詩存二

玉宇高寒天放夜醉呼奎宿下星躔

微雨來瀑亭閒坐

寂寂游客散蕭蕭疎雨零潺湲石門礪落落翠微亭雜  
樹暝初合連峰晚更青無言饒冷趣非瀑亦非聽

送胡竹村農部培輦之涇

禮經十七篇舌橋韓昌黎無怪枵腹士掩卷不敢晞歷  
宋元明朝僅一李實之自餘楊敖輩強作解事兒搗來  
通儒出脫誤稍已治卓哉凌教授次仲綜貫脈與支一

一析條例凌氏著有奚翅斧以斯大綱既已擘細目因

可推農部禮經釋例入室農部為教授健筆雄文辭說經何紛

綸如抽獨繭絲音刊茅蒐合室證燕寢西楹闡辨異名

度縣釋羣疑眼明穿奧窳意愜爭毫釐卽以辭章論於

世蓋已希精心作義疏近作儀禮正義眾說探其微文參古今

異義補鄭賈遺視彼孫淵如氏著尚書焦孟子正義邵

爾二雲氏著各足建鼓旗罷官勤著述喜謝塵網羈東行

歷吳會小住明湖湄恰遇素心人匡鼎善說詩農部與長洲陳

頤甫明經同寓湖上湖隄多囂塵車馬紛且馳誰知一

樓上聚此雙經師邂逅天祿閣與農部初遇一見如

故知滔滔懸河口縱論忘勞疲示我釋官篇家學固有

基見贈令祖樸齋氏我郡修浮藻經訓嗟久紕得君策

蹇所著儀禮釋官變易情庶幾青山曉嶙峋碧水揚瀾漪

秋風吹我心送君往涇溪佇當占德星早踐明春期以約

詩存二

明年二月至雲間

宿法相寺贈釋智一

涼秋夜胸寂風竹搖娟娟以我山水癖參君文字禪佛

光和月定茶夢入詩圓坐聽流泉細因之忘俗緣

龍翔洞

洞僻游人少幽奇類鬼工窺天一竅漏鑿石四圍空故

志收難徧西湖諸志失載寒雲路欲窮從來訪遺佚易忽草萊

中

南高峰

夕照遙明仙照壇崇岡疊巘路團團回頭地與江河窄

絕頂風生箭枯寒佛去巖阿空有跡龍歸潭水欲成瀾

榮枯愁絕華光主南北二峰並有華光藏王廟即俗所謂財神也然南峰香火寥寥殿宇傾圮不及北峰遠甚付與山靈冷眼看

坐雨無聊襟記所歷

葉聲晴亦雨嵐翠晝常陰正苦煩襟嗽涼秋此已深天

閣圖畫

不為郭令公便作廣成子一萬八千年笑倒蘇學士歲寒

屈夔固求伸神物豈終闕何日起風雷放君出頭地鐵胸

句曲風流在名山擁墓門玉鉤橋畔月夜夜照吟魂靈石

詩存二

六

世俗誇龍井誰知有上池尋幽溯林樾空憶辨才師方圓

山色與林光彙此一亭綠暝坐聽泉聲淙淙韻琴筑清涼

山裏闢田園時聞雞犬喧子孫常聚族不識有桃源翁家

古柏誰劄腹於中種石楠千雲同直上各自葉鬢鬢心庵

臺榭新秋草斜陽舊壑庵池荷悵無主紅過石橋南有小

烟雲幻奇葩根底竟何託歲歲發秋風無人見開落蓮花

雨中泛舟游湖心亭回至白隄飲雨奇晴好樓薄  
醉入望湖亭啜茗

晴湖不如游雨湖扁舟落手偕我徒蘋花點綴碧玉碎  
水色蕩漾琉璃鋪羣山周遭近可攬遠者化作雲模糊  
中流指顧畫南北突兀恰對雙浮屠小閣孤撐石闌圮  
題壁往往濃鴉塗湖山勝概聚几席濁醪恨未攜千觚  
霏霏絲雨有時密回船急覓黃公壩南胸大開樓額好  
妙句絕倒眉山蘇眼前風景侑酒物斫脍何必腥臊汗  
錢趙偏安一瞬息况乃局外談榮枯時坐客有言一杯  
秋試事者  
我自勸我飲君輩向壁空吟唔粲然西子顧我笑薄醉  
不用兒童扶水亭坐試苦苧綠殘荷數朵擎紅跗清香  
入鼻意逾靜鷗夢正熟無人呼烟痕漸消天欲霽山石  
犖确尋歸途百邊猶喚提壺盧

詩存二

餘杭曉發

舍舟命肩輿辨色先鳥起飽飯出荒城直入萬山裡登  
登烟篠中亂石摩足底一綫澗泉流前溪竹簞檣

石陽嶺

連岡勢委佗詰屈上鼇背怪峰撐硤角壓頂爭一隘其  
下當大溪雷轉喧急瀨輿夫喘且噤并力如敵愾路曲  
輿自直二分足垂外息肩已無地進退隨爾輩出險稍  
慰存揮汗坐相對笑指兩目雲離離互鈎帶

壺盧嶺

碗壇不覺高漸已陟林杪歛吸交長松修織引叢篠倪  
窺愁緣猿仰望絕飛鳥下輿送馨脚相顧若麈麈千巖  
夾蒼蒼一綫懸裊裊直下九地底立足翻戰掉前徒行  
壁上後侶出雲表艱苦作長游此意知者少

由西天目東北峰度朱陀嶺

眾峰團團如列障一峰超然吼相向爭先鼓勇登峰巔  
更有羣峰壓其上旋螺愈高山愈深雨浙浙兮雲沈沈  
山田高下稻初穫飛泉百道穿長林泉聲忽焉急水到  
中池下池接上池壁立不可上匹練橫飛數十丈白龍  
吞月月輪仰片片龍鱗觸山響君乎君乎何不坐臥於

詩存二

八

格思之亭乃向黃茅白葦重行行那知山靈弄狡獪故  
作才窮賺人退一步轉一曲通別開仙境青濛濛嶮嶮  
怪石欲壁空參天離立皆虬松行來松盡處左右絲杉  
繞千樹游人長嘯松杉中石梯滑澁支瘦筇雨花橋外  
禪源寺微露紅牆一角紅

禪源寺坐雨戲示錢

熙泰

天涯行路始知難暫向叢林學借單羣岫風回雲滅沒  
一樓寒重雨瀾漫鏗鐘伐鼓驚晨夢翦燭談詩坐夜闌  
我本無心君亦偶何勞高座祝旃檀

九日冒雨出禪源寺至千丈厓登高

癡雲入胸白縷縷此度重陽柰何許樓前樓後樹濛濛

吞吐千山萬山雨我思冒雨尋好秋健步何用坐竹筥  
或者天公有意幻奇境巧借雲烟寫山景畏縮恐惹山  
靈噴勇往能教雨師屏君聞我言俾大佳出寺徑縛櫻  
皮鞋初行清澗曲萬木蔽天天亦綠繼至獨樂亭竹光  
濃染眉山青亭後一橋名仰止轉轂驚雷石齒齒石齒  
齒雲冥冥橫拖卽栗仙骨輕水從羣壑來瀉落斜坡平  
跳珠漱玉日夜鳴佇立不覺心神清前行戀此屢回顧  
數步迷離墮烟霧爾時看山心轉愁此身漸登雲上頭  
飛空擬隨黃鶴舉汗漫自接盧敖游雲來面前倏在背  
誰結茅庵任雲外半山有一峰雲外庵庵西下上觀音巖盤盤巨  
石窮彫劖松櫨十圍高百尺老龍人立髻毳毳忽然一

詩存二

九

峰獨昂首道人荅云獅子口

獅子巖在千丈崖上俗統名獅子口

口開噴

雲雲氣厚我戴我頭口中走黃面閣黎笑啟門今日乃  
有狂游人煎茶爲我剝新栗飢盤雜劣山僧貧懸厓一  
望形神改下界茫茫竟何在虛空粉碎入風輪大地平  
沈變雲海撒手真疑近太荒推胸便欲呼真宰飄飄靈  
雨雨溼衣天公天公詎我欺茲游登高故不負反慮晴  
日無斯奇流泉淙淙不知處別僧更向雲中去

元通巖

石內喧泉聲仄徑緣石罅納級駮扶寸縮趾不敢下蛟  
涎久猶腥鼠穴出自訝高高劊千尋滾滾爭一瀉隘巷  
中迸裂峭壁四無藉仙斧巨靈擘神工富媪謝草庵時

孤標石瑤巧構架西方庵前有天生石龕翳此荒寒區習靜庶可  
借願從夔魑游請返俗士駕

出上觀音巖至東陽坪

畫山難畫雲繪水難繪聲我從雲中下忽見略約橫石  
怒闖然立水激無時平千折萬折逆七曲八曲并掀騰  
海潮沸噴薄雄雷鳴而我踏礪石緩逐流雲行我前雲  
裊裊我後泉砰訇回瞻樹已失遙望途仍冥依依修竹  
竿雨濯琅玕青竹閒闢荆扉塢院纔三楹玉琳國師塔院雲收  
水亦遠我息僧來迎

入九鎖山

東南渡冷溪數里入九鎖岡巒氣迴薄雲日態嫋妮罌

詩存二

十

恩展重重菡萏開朵朵或如鸞翻振或作龍尾拖七峰

近鉤連兩大遙岌岌大條天柱樹古莓苔攢道狹嵐翠墮一

鳴聚雲仍千家散烟火翻水碓聲急登穀人語夥誰繪

桃源圖何必笠澤舸籃輿猿鶴訝竹杖婦孺吹萬个綠

檀欒中間獨行我

大滌洞天歌

撐天一柱摩蒼穹雲霞出沒真靈宮乘風御氣倏來往

華陽林屋潛相通元封以來二千載神仙中人幾人在

年年龍簡寄沈淵有似泥牛入東海我生好游不好仙

來尋三十四洞天黃冠導我穿竹徑雙屐踏破巖扉烟

巖烟霏微炬火綠石鼓彭鏗震厓谷旋螺屢轉粟生肌

兩壁題名鏤蒼玉仙乎仙乎梳髻亭亭背立不可攀  
深處有天生洞 奇峰倒挂宵無路換骨何處求金丹  
仙像宛然背立 真人郭文舉圖志荒唐奈何汝碧樹飛來擣藥禽玉芝  
銜出長生鼠隱士逃名偶託辭君王媚道即貪癡興衰  
轉眼青山笑鼇足誰將八柱支

宿洞霄宮明日雨甚不能游遂出山用東坡韻

神仙格是忌疎頑故弄秋聲到枕閒曉起俄看雙闕暗  
愁來空對一庵閒遙知西洞寒雲隔且聽南湖急雨翻  
多謝山靈能送客依依一路綠孱顏

畱別陳碩甫明經

吳

羈旅明湖側相逢意也消談經忘永晝聽雨入深宵有

詩存二

十一

志身非隱無成客任嘲同岑愁錄別日其段家橋

許氏遺文在毛公古義明一編窮典籍卅載淡功名絕

學思同輩

謂王文簡引之戴尚書敦元胡觀察承琪金文學鶚等

忘年侶後生晨

星今有幾那不動離情

題瑞竹軒雅集圖

瑞竹軒在嘉定城內元集仙宮道士孫應元嘗

於軒前倒插竹一枝已而得活遂以名軒吳君

企賢集其鄉之賢大夫士錢少詹大昕教授

壩州判站上舍東壁司訓東時金文學日追陳

進士詩庭湯布衣文雋沈明經啟大毛上舍盛際

吳文學震原程明經鸞張明經焱暨其族祖明

經漢雲 凡十九人爲圖以志企慕嚴君 爲之  
徵題

瑞竹之瑞何足神天生名賢瑞乃真一軒聚此十九人  
以人爲主竹作賓鴻儒碩學推大醇羣賢翼輔咸彬彬  
鉤稽經史極討論精擘六書證說文辭章雜莖源流分  
要以心得隨所臻或父子嗣或弟昆相觀而善友誼敦  
一時辨說相斷斷飛有鳳皇走有麟至今巋然二老存  
錢司訓沈明經竹林繼起竹有孫繪圖敬誌追後塵風流弈弈  
常如新見者企慕藏者珍竹亦附驥垂千春瑞竹之瑞  
非無因

得繆 徵甲 書卻寄

詩存二

七

魚素迢迢遠寄緘知君與俗異酸鹹武陵秋老貪乘蹻  
京口風高憶挂帆別足幾人憐白璧掉頭何地泣青衫  
旁觀又動無窮感自愧名心總未芟

八年別恨遙相悉近境崎嶇亦可歎黃髮尙欣三世見  
青氈無異一官難中流自作盤渦石重載偏逢逆水灘  
多少朱門珠履客馮驩長鍊不勝彈

風雨雞鳴感喟頻年來心事爲君陳文章何必求諸俗  
富貴原非待救貧立腳茫茫愁涉世讀書草草敢臨民  
功名莫恨儒冠誤只恐功名更誤人

端策何煩更卜居邯鄲夢好任蘧蘧百錢拄杖情無盡  
一室研經意有餘佳境每思良友共奇文可惜賞心虛

數行遠報平安字除卻尋山便讀書

元夕月蝕而雪蘇卿先生作詩見示走筆賦荅

上元忽現羅睺星么麼爬抄薄太清老兔逡巡玉龍怒  
欵起敵此蝦蟇精封姨揚袂振桴鼓驟逐萬里飛瓊霏  
六街燈火光黯淡玉樓舞罷歌停聲是時天地亦變色  
寒氣鬩屬同雲傾玉川先生夜不寐擁鼻忍凍行中庭  
一年明月此弟一那許怪物綠青冥撥弓雖乏庭氏矢  
尚有健筆驅六丁仰天歌烏金石裂白虹上貫金蟄驚  
龍公戰勝天宇闢姮娥解佩羞娉婷鰕生醉臥夢乍醒  
忽訝虛白來胸臆起看七星正當戶水鏡照徹瑤臺明

貓

詩存二

三

本以陰柔質徒存猛厲形玉方憂鼠耗爾自羨魚腥竊  
會時翻几眠花亂入庭一朝酬豢養猶是望含靈

題計

游

孱守居小草後次張

澹韵

燈牖把卷憶迂辛撩倒秋風烏角巾無術致身兼致富  
與君憂道莫憂貧誰從酒社推龍虎能向荒洲識鳳麟  
具眼只今惟叔夏溯洄我欲訪伊人

暴雨

暴雨不終日連朝何未停忽兼風力橫時挾海氛腥積  
潦平溝澮餘聲撼戶庭將軍方待旦愁絕枕戈聽

時陳軍門

防海寶山口寢處行帳中與士卒同辛苦

井眉居同堅香先生姚鐵琴伯舅之桐送張叔未

丈廷濟 歸新篁里九言聯句用朱椒堂侍郎

題八磚精舍韵

金石之學首宋歐呂輩虎明誠著錄始及陽朔磚迄元

明至近世乃更盛堅旁搜博考一一羅成編剖析篆籀

準以六書法鐵譬倉厓蜜甘味無中邊鉤稽經史證合

歸致確叔嘯堂復齋疏漏殊天淵我宗先生雄才冠兩

浙虎文采有若初日芙蓉鮮心輕頭銜七尺若敞屣堅

好古乃過二洪翟耆年王公昶阮公元相繼有述作謂

石萃編及積古齋鐘鼎款識莫為之後雖盛何能傳我生何幸與

二公接武叔著書等身啟後兼承先八磚精舍聚列古

彝器虎每尋殘碑斷甃凌荒烟龐眉古貌手曳綠玉杖

詩存二

古

堅此老意氣固在秦漢前八分繆篆行楷兼眾妙鐵僉

謂濡染大筆揮如椽老生自慚衰老腕力弱叔那知世

人錯愕窮摩研旁逮詩文襍著數餘技虎亦異俗子月

露風雲篇蝸廬昔至恍隔三十載堅重來忽若海上蓬

成連年過古稀談笑健如舊鐵差喜不材樗櫟全其天

靈光歸然一笑自來去叔周柱下史骨相真神仙長虹

貫月照此書畫舫虎酒酣送君支枕逢胸眠堅

庚子秋偕錢熙泰重寓十三間樓

采葯前劉阮重來訪嬾殘禪扉深擁翠佛閣夏流丹時

悲閣新落成雨入雲山暗秋生草榻寒倚胸成一笑先喜竹

平安

雨絲風片作新愁，忽放輕晴慰客游。帶笑烟鬟齊卻扇，  
老奴狂態似前秋。

疏筍僧寮總舊因，招邀勝侶此良辰。九日趙次開布衣  
梁春陸別駕徐問

蓮葉古潭兩文學並  
至十三間樓登高依然桑苧煎茶約，便倩東坡作主人。

人

揚子江頭一櫂過，記曾遙望鬱嵯峨。不知風雨飛騰夜，

兩點金焦賸幾何。院僧道生自高明寺回言七  
月中金焦二山各崩數處

立竿見影影非竿，直到竿頭始見端。定慧圓明參了義，

漫從荀孟借儒冠。從仁和馮醒香借問汪縉石室偶存  
昔讀汪子文集繩荀準孟等篇嫌其

不了不如此  
書之直截

詩存二

五

西牖盡日意蕭寥，水墨山容入望消。一陣雨來風竹亂，

坐看松鼠度林梢。

望湖樓前秋水清，望湖亭畔夕陽明。玉簫吹遠畫船去，

歸聽山齋梵唄聲。

問渡西興舊約慳，千巖萬壑夢迴環。神飛說劍談經口，

一晌清游述吼山。邵陽魏源自浙東來盛述大亭之游  
魏君湛深經術兼善談兵有城守篇

防苗  
諸作

半山紅葉喚秋鶯，閒拂莓苔坐晚晴。青嶂綠波看不了，

肩輿何事太忙生。

水仙配會假耶真，俊殺梅花也效顰。孤鶴不歸游客笑，

歲寒巖畔祀錢神。孤山林處士祠前有西冷福至廟署  
其神曰宋靖安明王其配曰梅隱夫

人香火頗盛杭俗之可笑如此

一片愁雲葛嶺前岳祠東去拜忠宣早知君相甘和議  
雪窖何妨竟百年

古刹重遷址僅存荒龕斑駁漬苔痕參寥老去清泉濁

始信山靈佛自尊

智果寺

由法華山至西溪

拏舟古蕩里路轉秦亭西人影在秋水櫂聲通別溪柳

林晴聚鳥桑吟晏鳴雞何處好山至數峰眉黛低

長松似迎客稽首碧霞君道士蒼玉佩村姬青練裙神

靈間赫赫禱祀日紛紛無事問盃琰前溪看活雲

季秋行夏令赤日汗沾襟數里入花陽四山皆竹陰細

詩存二

去

泉隨徑曲幽磬苔山深空谷自來往蹇然此足音

勝國有遺民茅庵此隱淪茅庵今半廢況乃庵中人猿

鶴存餘感松篁得古春桃源遠塵世山鬼莫含顰

沿流數迴轉權入菰蘆叢晴雪暎斜日微波生晚風扣

舷思舊約回首見飛鴻

己亥秋與陳碩甫有西溪觀蘆之約因雨不果

天末伊

人在蒼蒼滿望中

曉渡錢唐江

急裝草草出新門細雨連江霧氣昏雜客喧呼爭曉渡

中流掩靄上朝暎回頭秀巘青千疊潑眼寒潮白一痕

十里西興裁瞬息布帆安穩慰詩魂

宿智度寺聯句

村舍數家初掩扉虎夕陽欲沒人行稀小橋當寺老僧立泰客子入門蝙蝠飛幡影動搖佛火暗虎漏聲沈寂星光微酒酣深坐夜過午泰白鳥嗜人時隔衣虎

戴山晚眺

雨過亂雲浮亭皋一縱眸蒼茫全越勢颯沓萬峰秋城郭生寒色江山入古愁荒祠遺像在涕泣拜王劉山王上

右軍劉忠端二祠

禹陵窆石聯句

豐碑首圓空冢人共其器虎穿緯以下棺葬即壙中閉泰後人漸崇飾氏族或以紀虎踵事及勳闕相沿遂成例泰圖經記窆石贊甯述禹志虎巖巖會稽山劍脊隱

詩存二

七

靈閣泰其高近六尺圍廣五尺既虎如權上穿孔似柱

中岷峙泰太璞貴不彫神碑竟沒字虎乃知明德遠無

取銘與誌泰吾聞禹南巡規模效虞帝虎同律度量衡

先後若合契泰柰何苗山民復隕蒼梧涕虎桐棺與葦

槨猶乘卑宮意泰延袤一畝刻百物無改列虎想當縣

棺初有司執斧泣泰功德之在人上下極天地虎徧鑄

南石豈足殫巨細泰渾然此一拳負不煩鼻肩虎古

光勳而澤敬慕迄萬世泰自漢永建來劉刻多附驥虎

遺文既漫憑名姓半隱翳泰下土熾茲臣再拜絕思議

虎遐哉四千載貞石孰敢比泰俯視商銅盤品已落第

二虎匪徒發幽情兼可訂遺制泰誰續三禮圖請補

二虎

崇義虎

越城懷古道光庚子十月

一柱天南此最雄會稽長鎮浙江東萬方玉帛開王會  
四海龍蛇識禹功配會自應尊掌火型塘山行誅未許有益廟

恕防風天威特示塗山戮羣醜休彎反射弓

甲楯倉皇理舊盟未乾口血更行成山中莫問陳音射  
江上徒支石買兵采葢與誰同習苦種麻悔不及承平  
伍胥未死夫差在寄語良弓暫掩檠

閉門節度亦奚論富貴優游儘及身備位已經兼將相  
竭忠誰復計君臣徒思奧援求行密漫惑讒言失董真  
愁絕五雲門外路駢羅金帛屬何人

詩存二

六

古雷門外長秋蕪海氣蒼茫望有無劉韜近聞擒佛母  
素卿元本冒倭奴姚江東去連蛟窟節相西來剖虎符  
自昔越城形勝地咽喉善策蔽全吳

泊婁家陽夢見蘭亭在山椒下當大溪溪聲如巨  
雷跨溪為橋四山圍合雲烟杳冥有古衣冠數  
人杖策自遠至予方擬趨問冬青穴訪唐義士  
瘞宋陵骨處忽豐然寤以語錢君及心源上人  
談笑聞記此

婁公埠前夜泊舟入夢先作蘭亭游一亭乃在山之幽  
山巔峰迴水倒流崖崩路絕飛瀑道石橋橫跨當靈湫  
神君仙人遠揮策豈無當年修禊客若非內史王會稽

定是東山謝安石昭陵玉匣歸杳冥流泉鳴咽悲空亭

唐義士夢中詩昭陵玉匣走天涯金粟堆寒起算鴉水到蘭亭轉鳴咽不知真帖落誰家鳳巢龍穴

不知處但聞杜宇啼冬青霏烟噴霧朝百靈指顧忽送

愁魂醒人生所過皆陳迹晉宋茫茫爭一擲夢中作夢

能幾時既覺何如今視昔錢郎堅言夢覺空真境實在

非虛蹤阿師笑指蓬胸曙遙聽天章寺裡鐘

既游蘭亭乃不如所夢復作此解嘲

我行胡蝶灣望見孤亭紅圮橋渡清溪忽至瓦礫叢曲

沼亦已沒切切啼寒蟲荒亭餘四角仰望天宇空可憐

內史祠寂寞蒿艾蓬當時觴詠處久矣隨飄風後人慕

前賢衰點非不工奈何滄桑變今古將毋同君試登茲

詩存二

九

亭山景羅鴻濛茂林與修竹四面交青茵名區固非妄

勝跡自有窮安知真蘭亭不在我夢中

山陰道中

秋風片席鏡湖還最好從容應接開一路鳥蓬兼白舫

四圍紅樹映青山重重雉堞從新築時以防海修城歷歷鷗波

自在閒寄語梁生如避地但隨烟水逐魚鱗

柯亭

夕照亭皋水滿陂求賢一疏淚空垂琅玕結響荒祠在

村笛無腔盡日吹

病婦

病婦支門戶驕兒索棗梨欲歸先有夢惜別轉成迷楊

柳遮烏舫芙蓉滿白隄應憐近游者祇在浙東西

別陳碩甫

碧水潛修鱗秋風振羈羽我去君始來湖山滿離緒落  
葉送歸人孤帆挂疏雨明歲春波生重溫別時語

夏儼山

履泰

寄示病中自輓詩惓惓促和蓋其志

傷矣率復四律以廣其意

青氈况味一生酸皓首猶吟苜蓿盤伏櫪幾曾伸驥足  
累人終是為豬肝三秋小示維摩疾八口誰憐范叔寒  
只有詩筒堪作使因風替報竹平安

辨色當秋見急風中醫翻笑藥無功何妨篤疾如元晏

已喜傳薪有小同世局幾經寒暑換

陸放翁詩吾年七十七寒暑凡幾換

詩存二

三

道樞旋覺是非空半生半死根株在身似龍門百尺桐  
九天何處寄牢愁一笑花開水自流遮莫垂楊生左肘  
幾多病樹在前頭傳登孝友名何忝謚擬宣明壽已優  
彈指古今同夢夢那論胡蝶與莊周

五岳平時塊壘除消磨殘歲意何如閒中著述圍棋賦

老去經綸種樹書

君善弈兼善種植

莫歎處堂都似燕可知同

穴本非餘從今便作支離叟我我周旋味有餘

珊媛

珊媛姓石甯波倡也年十七嫁水師營卒崔兩

月英吉里寇定海崔沒於陳珊媛赴甬江死時

道光二十年夏六月也

甬之江兮悠悠望不見兮敵舟不得報兮君讐妾獨立  
兮江中流昔盟君兮春之暮松柏與貞兮金石與固予  
出淤泥兮君不疑願生死兮長相隨君朝弁兮從戎妾  
勸君兮勉始終妾以義兮君以忠顧巾幗兮妾不敢從  
賊陽侯兮潛海若嗟游魂兮肆漣濤帥旣奔兮眾以卻  
君不歸兮妾安託江之波兮法法願爲魚兮告龍君擊  
鼉鼓兮駕鼉雲命吞舟兮滅彝氛滅彝氛兮期有待化  
精衛兮填滄海

訪熊露荃丈信宿齋中拉雜成篇

荒城大如斗瓠落一詩人空榻常畱客蓬門不覺春誰  
言買山計老作諸侯賓去去遠游倦依然原憲貧

詩存二

三

昔別記丁酉重逢恰五年酒懷仍未減詩卷欲成編往  
事宜歌哭游蹤數後先夜闌猶翦燭爲我語絲絲  
人生固有命遇合總難量斷梗纔閩越飄萍忽晉陽新  
知添嘯詠舊迹喜迴翔小住剛三載歸來鬢漸霜

擬學梁鴻隱何圖夢日炊入門無健婦善病有癡兒風  
鶴心長怵齏鹽手自持從來生計拙杜老况憂時

間道潢池警 天兵下粵東樓船命楊僕驃騎將劉隆

細柳嚴環甲扶桑蚤挂弓彝氛嗟久熾拭目貳師雄

此地濱滄海彈丸寄一城民疲難作氣治久已忘兵東  
望吳淞口西連乍浦營白頭窮老在所願祝承平

挂壁悲雄劍相知付後賢拍張懷壯日信宿話鐙前元

靖栖山志初平叱石仙茲游如見憶寄我白雲篇時文方擬

周礮

金陵校場掘得鐵礮數百俵列各海口礮自百餘觔至五百大小不等識周某年月鑄必張士誠物案金陵非土誠地又士誠僭號後卽偽改元天祐茲何以但著國號然可無論也

許賈釋旂字拋石蓋昉古宋人作手炮實始咸平五洎乎咸洎世製造徧諸部紛紛鑄銅鐵巧式效西土以視霹靂車十倍勝精固前賢思未周後世適以補此礮誌年月輕重釐可數得毋熊天瑞作此拒明祖一朝機槍

詩存二

三

埽地邈棄草莽繡澀苔花斑神奇欲朽腐爾來四百載忽復爲世覩吾聞張九四萌孽由斥鹵鯨鯢吳越閒受爵仍跋扈請降旋豕突少縱輒狼顧明兵下姑蘇猶自怒螳斧當時木石盡毀改及牖戶可憐同產弟張目徇城堵金盤進仙桃礮至身已仆時爾在何處曾未聞禦侮師直乃順天爲逆豈受祐利器雖莫當奚能衛豺虎方今

聖仁主播德千羽舞威獻昆吾刀誠貢肅慎楛蠶茲西北彝狂藥肆毒蠱敢以吐火術幻作五里霧飢來飽卽颺桀傲不受撫又如賦茅狙憎喜易朝莫寇態今昔同始服終更怙頻年逞鬼蜮致干宵旰怒桓桓命將

軍赫赫開武庫武成與紅衣間響裂肺腑皇朝禮器圖武成永固大

將軍礮自三千六百觔至七千觔紅衣礮自一千五百觔至五千觔爾礮形么麼何足參

佐輔想其踐上久頗亦感神武漸消頑梗習力欲策

駘鴛將如金躍冶滅彼魚游釜海墮方戒嚴用爾備營

伍爾當藉天威萬敵殲一鼓助順以討逆一洗舊染

汗

### 風峪華嚴經搨本

風峪在山西太原縣或曰風洞是風神居之有

司歲以三月祀經為北齊天保閒許智通妻宋

十娘許五娘許三娘等所鑄朱竹坨檢討嘗親

至其地傳所刻佛經石柱百二十有六惜皆掩

詩存二

三

其三面通志乃云穴中三柱四壁鑄經殆承謫

也金石萃編載搨本百二十四紙王蘭泉少寇

謂顯係一柱一紙柱搨一面特少其二百洞多

豕狼虵蝎倉卒不可入同州張蘭沚方伯禮中

飭吏先以爆竹繼積柴焚之始命工往拓猶僅

得六十紙其難如此露翁時客方伯幕亦拓一

本因出眎余為述緣起并索詩

北朝崇釋氏不卹智力殫寫經觀邀福并欲藏名山想

見諸婦女啣嬰典簪環嗟峨立百柱一一施彫刊花巖

周四面卷弟題班班雖非鴻都經其意相追攀柰何象

致力適足資神姦跳跟各引類羣醜日以繁八部森翊

衛畏憚不敢攔徒令嗜奇客側足愁艱難張侯經濟才  
從容理晉藩公餘不廢學訪古巖阿閒惡此豺虎區與  
眾謀鋤刪震霆萬壑動烈火千巖翻誓將燼窟穴豈復  
遺榛菅鴟鷂羽毛脫狹窳牙爪燔腸糜肥遺死首落雄  
虺鱷罔兩懼焦灼顛踣號深冤封姨恃妖媚驚奔墮烟  
鬢廓然一洗滌法界清且閒不知天龍輩相對何容顏  
我公信神勇此義固有關非徒好古懷充類宜無孱迄  
今撫滇南何以靖庶頑登高望遠海按劍空長歎

雨中訪趙星甫

昨日故人約今朝酒一尊  
雨風胸外急笑語室中溫  
俗評寒儒陋吾憐古誼敦  
廿年兄事久洒淚憶師門

君於予爲

詩存二

五

十年之長而與先師姚東渠先生爲總角交

敵廬

風兮雨兮淒其以吹吾廬  
破兮吾親傷悲一畝之田則  
不可推五寸之槲窳窳無期  
悠悠蒼天予身爲誰父兮  
母兮何以子爲

田園雜興

道光辛丑冬作

數頃田園傍曲塘  
半栽桃李半栽桑  
春風野雉時成陣  
暖日游蠶慣趁香  
越陌有人憂饑歲  
荷蓀爲客話斜陽  
劇憐菜把無多許  
只費園官摘取忙

婢織奴耕問所知  
經營辛苦付場師  
蟲因螫聚殲炎火  
鳥慮飢颺餽別枝  
插槿編籬非小補  
占晴課雨在先時

原田忽聽輿人誦蕪穢南山孰主持

秋風昨夜破籬樊牧豎村童幾度喧瓜蔓天斜連北郭  
樹根顛倒委南園浪憑鵝鴨侵同畔旋見牛羊入短垣  
多謝野花能獻笑諸傭努力負朝暄  
西鄰雞犬日相聞閭道鄰翁督課勤耕穫計疏勞指畫  
胼胝力盡厲心熏陂塘水漲魚登陸枳棘陰深鳥喚羣  
不信村墟成弔古去年此地稼如雲

冬暖

造物資生意陽和氣獨偏非時雷震震累月雨綿綿已  
蟄蟲翻振將腓草更鮮嚴寒當有待爾輩莫貪天

雪

詩存二

姜

陰雲再日不曾開墮地銀花一丈堆海上寒風悲畫角  
帳前春色勸深杯山容凍雀絳歌樂雪滿征騶越使來  
間道相公籌入蔡將星三月照蘇臺

嫂撫叔

嫂撫叔美滿洲節婦王依孺人也孺人適瓜勒

嘉氏夫曰圖幹恰納需次筆帖式早卒無子孺  
人力勸翁娶得嗣而翁卒苦節撫叔叔曰觀成  
長成舉於鄉迨爲縣令時孺人沒矣乃請旌

於朝回已所受官階及封與兄嫂復作詩告

哀貴筑張曉瞻臬使日最爲之作傳

郎不祿妾無夫翁再娶妾有姑妾有姑喜誕育妾身無

子妾有叔吁嗟鬼伯何太酷兩世熒熒悲寡鵠視媳如  
妹姑淚滋撫叔如子妾敢辭一脈不絕垂如絲妾心所  
期天亦知叔長成嫂力竭叔居官嫂已歿秋風白楊根  
隨兄弔寒月嫂恩如親銜沒齒欲報之德詩一紙貞石  
皇皇表

天子瓜勒嘉婦王依氏

詩存二

美

舒蓺室詩存三

南匯張文虎孟彪

復過露茱丈

又隨春燕到君堂，但把新詩子細商。  
莫向尊前論平世事，海風吹雨忽蒼茫。

官軍收復乍浦

羣虜翻然去，奚煩一矢加。  
全城瀕斷火，幾輩尙完家。  
白骨羞橫草，紅顏慘落花。  
流亾何日復，況未斬長蛇。

紀事

森嚴壁壘甲光寒，蹙口頻年靜逆湍。  
豈謂軍中來魏絳，翻令隴上失陳安。  
長城兩浙錢刀貴，獨木三吳砥柱難。

詩存三

見說捷音爭瞬息，至今父老涕洟瀾。

三年設險重紆籌，要害何人撤上游。  
駭礮頻驚黃歇浦，憑城蚤具趙嬰舟。  
鯨鯢有窟行逾肆，雞犬亾家竟孰投。  
悵悵流離諸雁戶，可能無意稻梁謀。

五昔城內少炊烟，巷陌蕭條鞋鞞鮮。  
馬座深宵猶擊柝，分曹白晝競攤錢。  
往來負殼蝸潛槁，剝啄空倉雀亦憐。  
寄語嗷嘈多戍卒，彝氛較遠但安便。

市舶更番集懋遷，當關封豕久垂涎。  
憑誰更覆盤中劫，竟欲平分海外天。  
忍棄雄城如破甑，狂思擊楫效先鞭。  
同仇只有袁公壘，不獨當時恨水仙。

南城晚步

笠屐閒登眺昏昏海氣橫笙歌何院落前日是空城

訪釋妙塵不值題壁

曲折朱闌粉壁遮圍瓢雖小亦風華鐘魚未靜佛無語  
門對一溪紅藕花

一劍難酬國士知春愁剗盡綠楊絲空花滿眼休相著  
吟到風清月曉時

天馬山下人家

山家纔百室結屋近陂塘避地饒遷客攜鋤獨老叟妖  
氛連泖浦妙舞自村莊漁父休迷路桃源未足方

郡城雜感

幸未懼烽燹熙娛復舊觀親朋驚聚散里巷雜悲歡滅

詩存三

賦由 明主催科在長官無良羣盜賊莫更起兵端

重九後一日招露茱丈郭福衡游橫雲天馬諸山

春秋佳日無不有何必登高定重九登高客散我輩來

扁舟只與山徘徊持螯把酒老狂發柘澤便築糟邱臺

郭郎不飲亦舉盃麴生詫爾真奇才橫雲如雲嬾不起

絕倒平原好兄弟彝踪昨犯泖湖濱尚有餘氛浣烟水

縱火豈患無東風一炬信足成奇功長鯨掉尾自出入

小哉赤壁羞英雄我欲排空蹴天馬頑石難鞭眾山啞

平津遇合空爾爲蘚沒干將不堪把劃然長嘯青松林

天風吹作鸞鳳音一弓明月照歸櫂醉聽兩岸秋蟲吟

贈郭福衡

瘦郭多才思聰明我獨憐  
拈毫渾得意脫口卽能傳  
境窄心仍泰神凝道乃全  
春華易爲好落實在秋天

虎邱

木葉蕭蕭下劍池  
千人石上坐移時  
山塘盡日無游客  
弔古荒寒自詠詩

滄浪亭

去秋揚威將軍駐此

城隅勝地闢林泉  
駐節征西憶去年  
綠酒紅燈能幾度  
荒灣野水故依然  
風雲易幻真如戲  
魚鳥忘機別有天  
醉倒亭中蘇學士  
清纓濁足任諸賢

潛園

竹石亭臺古意存  
灌園微旨屬兒孫  
西風作雨羣芳歇

寒菜一畦香到根

詩存三

三

題姚

以煌

梅屋祭詩圖

殘臘欲盡東風知  
淑氣散作瓊瑤枝  
蘇彝祭罷司命醉  
喚賣不去惟詩癡  
窮年嘔盡錦囊血  
酬功合以金屈卮  
長江舊例自可仿  
蘸筆試擬迎神詞  
仙耶聖耶逮妖鬼  
敢長捨短皆吾師  
俯觴鞠脰奠椒醕  
酸寒不顧臞仙嗤  
野藪山穀諒無怒  
朱門梁肉神所辭  
嘲風弄月造物忌  
懺悔或仗神扶持  
但願年年好天日  
佳句倍獲枯腸思  
夢中授我五色筆  
更乞贍錦如邱遲  
低頭默禱神不語  
香篆靄結雲絲絲  
催逋有客笑門外  
散福先索梅花詩

由拳東園曹慈山詩所謂舊業溪東五畝居者也

產鶴亭在焉今園屬汪氏癸卯仲夏偶游有感

叢蘭無語竹傷神慈山工文采風流孰寫真含笑蜀葵

階下立薰風盡日醉汪倫主人沈

紅牆黯淡小山隈山下平池一鑑開昨夜微風蓮葉動

半亭涼月鶴歸來

葇字長一類也西學謂火氣為太陽天所攝結而

為旱散而為風道光癸卯二月長星出西方累

月已而大風大旱是歲饑黃河再決斯其占與

作詩以識

長星本葇屬地上乾熱氣攝於太陽天兩火炆相濟晬

晬夜有光如星在空際旱魃豈曰能感召自有義散入

詩存三

四

冷帶中颶風更為厲此論或不誣初自泰西利五行與

天文史臣志災異徒令占驗家紛紛引成例頻年太白

動兵頓吳越地有司急征調誅求到骨髓盜賊晝攫人

不敢聞大吏時時風鶴警身家等兒戲遠彝尙知

恩帖耳遵撫議今歲滄波平稍稍安活計辛苦望西成

誰知竟虛器兵凶固相因民生已凋敝比閭中牟河橫

決若鼎沸沒者勿復論存者堪悲涕天道遠難測人事

宜調劑上當振綱維下則除宿弊去莠良自安崇賢佞

斯廢大和所翔洽足以消沴戾保章爾何官入告慎毋

替

吳煥 招同堅香先生泛鶯脰湖登平波臺

白蘋紅蓼裡著此數閒鷗小艇漁師長平臺水國秋菱  
歌魚解聽茶話佛能畱蓑笠吾家事天隨亦舊儔

通濟庵贈

祖觀

一角小圓庵迴與塵市隔聞道梅花時時來聽琴客  
詩僧厭哦詩風竹自成籟清晝一蒲團遙山靜相對

月河女

娉婷月河女絮白好容華侵晨整梳裹高髻堆黃花擔  
水向遠邨水溼鞦韆頭鴉淘米煑早餐攜鋤耕暮霞俗儉  
事操作豈必皆貧家陌頭多大風旣輪動咿啞君看車  
中婦滿面吹塵沙

挽船謠

詩存三

五

河底一尺水河面萬斛舟十夫力推挽轉轉船頭三  
日候潮潮不起昨行一里今半里昨日東北風今日東  
北風天公雖厚意失勢淤泥中窗中官人坐歎息躁罵  
榜師不用力榜師沽酒迴勸客君不見江潮連天離尺  
尺

由焦山門進泊金山下

海潮入江江水渾東來直走焦山門兩崖夾峙爭一束  
水石怒激雄濤奔長江鐵鎖鎖不得片帆劃破蒼烟痕  
乘風忽已抵浮玉金碧晃蕩明朝暎桅檣如薺徧南岸  
銀山鐵瓮遙相蹲波瀾漲空天地合日月倒影魚龍吞  
東南形勢此最勝釜底那使潛游魂雄姿英發浪淘盡

劫灰餘燼今猶存欲言往事舌莫捫白鷗飛起蘆花根  
獨游江天寺戲題

江水瀉不盡天花開曼陀全山都入寺片石獨凌波  
謂石  
樓閣空中現風濤定裡多蒲團此何地無處著東坡

再游江天寺訪朝陽洞

霽色初開散午齋重尋僻徑騁幽懷路通崑竇中間窄  
山到樓臺缺處佳盡日洪濤喧亂石千年古柏立寒崖  
昆明習戰當時事莫放江波更入淮  
洞左即操江樓

韓蘄王祠

威容千古肅江濱桴鼓當年轉戰頻玉帶紅袍逃虜帥  
白波青嶂笑王臣渠通老鶴天疑醉夢醒騎驢事豈真

詩存三

六

回首英雄餘恨在清涼居士此前身

露筋烈女祠

荒洲數畝徧漁家隄畔靈旗集暮鴉四面寒波綠楊柳  
寸心明月白蓮花消磨不盡身常在宛轉須臾玉有瑕  
知否千秋如一夕腥臊無事薦魚蝦

皂河曉發

前車出深林後車駐林外月落大河橫繁霜滿驪背

下邳懷古

擊秦嗟一蹶亡命欲何之能悟老人意遂爲王者師臨  
機宜早赴強忍莫先時我亦步游客長吟白也詩

車中偶成

蓋圓以象天軫方以象地而人居其中局踣百無計南  
土多淤泥沉值雪新霽陷淖輪初掀過坎柅復繫有時  
九天升有時深谷墜過涉頂欲滅濡尾汔始濟我身如  
穰秕顛簸不可避南人便舟楫車馬非所暨平生習安  
閒口腹恣無裁連朝事征途坐覺百體敝五更冒霜寒  
卯酒遑復忌朔風慄毛髮強效新嬾閉逐逐塵沙閒終  
日如夢寐晚投土舍宿硬餅及麤糲舉箸噓已作腥穢  
雜諸氣舉以異車夫甘若噉異味人生何能否但眠夙  
所契服勤漸忘辛逸豫每自蔽古人戒虛車母以勞自  
賈

自邳州至礪頭山行有作

詩存三

七

渡江千里不見山眼明忽覩雙雲巒冒寒侵曉輟帷幕  
相望所惜難躋攀輿夫慰我看山目得得驅騾向山麓  
初行犖碯滯車輪旋覺嶮嶮礙騾足一山過處一山橫  
入耳不絕鏗訇聲尻輪顛簸髀骨痛反恨壘塊何時平  
近山始識真山面秃髻頽然何足羨愛山轉復厭山多  
君不見翻覆人情日千變

騾車謠

鐸郎當車輻輳一程過一程續隴坂長人心速日暮天  
寒鞭影促騾兮騾兮蝸負殼來牛去馬交路隅利名牽  
絆亦類渠而我兩者皆弗如胡乃僕僕同馳驅郎當輻  
輳騾亦吁

東阿道中

烟暝雨微茫歸鴉笑客忙鈴聲催下阪鞭影度高岡眾  
岫旋迴合寒林轉鬱蒼蹇騾休駐足前路欲昏黃

河閒獻王祠

漢家十世多驕王淮南好道猶危亾夫惟大雅故卓爾  
一代學術開天潢秦灰乍燼眾儒出各守師說徒張皇  
王也大開獻書路蒐羅善本徧四方首爲毛左立博士  
遠勝齊魯韓公羊七十亾大義在六藝散佚賴表彰  
雍容禮樂務實事斥絕浮辯紛披猖當其來朝獻雅樂  
意與雅頌同鏗鏘二十四卷記親定再傳所惜無能詳  
三雍之對亦已眇古制旣闕疇津梁楚元傳詩僅先導

詩存三

八

後啟沛輔東平蒼經明行修號儒者於聖豈特云升堂  
大行議諡諡曰獻易名典故殊尋常宗室諸王奉儀表  
世澤尙及來孫良此閒四縣戶數萬學道應比弦歌鄉  
日華宮中聚賢俊想見郁郁羣冠裳千秋廟貌肅崇祀  
赤芾金舄輝文章晚風驅馬一回首六星東壁遙騰光

扁鵲墓

扁鵲有名言治病及曉理非能生死人當生能使起所  
以醫國手毋使入骨髓方其游歷國手到病輒已後來  
孔孟徒栖栖莫奏技古今六不治自謂勿藥喜旁觀偶  
相誠憂天笑如杞諱疾疾漸深扁鵲亦逃矣術高鬼所  
敵機隱眾難擬李諡誠知君毒謀試一匕斯世無斯人

咨嗟過蒿里

曲溝客夜

斷夢迷離記不清殘燈影裏數寒更長嘶櫪馬如相語  
明日京華止一程

固安道中

薄酒微醺又著鞭朦朧淡日汨林烟雲垂廣漠將成雪  
馬蹴黃沙欲上天在道忽驚三節屈卸裘應及一陽先  
飢鷹側翅緣何事腐鼠寒鷗滿野田

十一月十五夜對月

薄霧冥蒙朔氣團天高北極斗闌干  
京師北極出地較  
蘇幾高九度  
三千里外同垂照十二回圓近小寒  
是歲閏七月  
凍合空庭

詩存三

九

簾半捲霜濃梵宇漏將殘南鴻到日春歸未更向窗前  
望玉盤

都城雜詩

京師萬人海風雪一茅庵車馬前門盛笙歌北里酣  
前門左右多  
優伶倡家  
近游安健步宴笑劇清談磨滅懷中刺君

知七不堪

朱門當大道轂擊人肩摩亦有巷無馬居然雀可羅苑

枯隨轉燭憎喜眾焚和見說將軍樹新來又斧柯

變理資元老承宣在百僚押班春賀節待漏曉趨朝暇

日銀臺靜微風玉佩搖太平欣有象氛祲況全銷

委蛇初退倉聲色暫忘機浮世同今古登場孰是非諸

郎魁菊部公子慕萊衣把盞休辭醉當筵禮數稀  
祿利趨朝市羣材共躍鱗濫吹原屬命投暗漫尤人落  
魄黃金盡栖遲白眼嗔相逢下車指回首六街塵  
借問長安道清閒得幾人無才甘宋寞壯志久因循醉  
後時畱佩歸來偶折巾金吾漫相詰爛漫恕天真  
我愛長安好隨宜百物便肥牛初出炙白菜不論錢但  
飲中山酒毋吟寶劍篇誰云居未易直爲利名牽  
一院三弓地能容恰數人飽歸鷹安樹習熟犬迎賓白  
紙糊窗密黃泥蓋屋新御冬堪卒歲況已入新春  
舊聞燕地冷氣暖獨今年日轉嫵觜次冰消澤腹堅西  
山待游屐北口倚吟鞭爲訂探奇客春風在馬前

詩存三

十

世事真難定吾悲錢仲文錢通守熙祚以甲辰正月病故長途赴京國  
一夢幻燕雲修短非無命幽明此遽分同來如朔雁悵  
悵忽離羣

歲晏遲游興春來興已闕存心歸計決進退客程難事  
至人情出思窮友誼安寢門重躑躅痛定一汎瀾

暫住非濡滯歸期得少畱尋春聊遣日對景忽如秋遠  
見西山色翻添北渚愁槐黃怵舉子漸欲事車溝

時平人意樂歲美物華新爆竹連元夕風箏值數緡乘  
軒看過鶴行地盡成麟咤歎溝中瘠飢寒并一呻

四月都城任臨岐動別愁抵家過孟夏來日記深秋鏃

羽悲黃鵠無心信白鷗強臺誰直上潞水向南流

贈別凌厚堂

塾

九衢車馬日紛紛誰向經師片席分  
抉摘苞符通漢易  
研覃緯候撥秦焚更無徐淑知秦掾  
君所撰德  
喜有桓譚識子雲  
君極口錢通守所輯守山  
閣叢書恨未一見作文祭  
之并作君將歸扁舟茗雪好尋君  
小傳作湖州相約秋風踐歸計

有寄

請劍風裁迴軼羣平生恨未識朱雲白鷗浩蕩黃塵遠  
鱸膾香中夢見君

放鱸

阻風夏津道一日三泊船鄉村陋且僻無物充晨餐  
庖人持鱸至團團大如盤其甲雜青黃而首巨且斑得非

詩存三

十一

河伯使魚服遭網牽衛河蕩千里遠自蘇門泉中合溢  
洄淇二漳同一湍東北趨渤海汝也隨其閒想當鼓洪  
流瀆沫成波瀾長驅浴灑漫詎復知魴鰈一朝落人手  
那免魚與燔憑依恃外物失勢徒蹒跚不見雲中龍噫  
氣同往還自謀苟能臧豈至遺後患張目首頻舉似亦  
通人言老饕顧之笑叢鯨殊可憐趣命捨渠去逆流返  
其原不然化黃能遜迹清洽淵慎勿觸豫且入夢誤宋  
元庖人义手語舟師復忻然或云兩裙肥所惜得此難  
或云放生德回風庶由天一笑且呼酒尚有魚尾鮮

臨清道中

彎環沙斤又斜陽難得東風片席張錯壤晉齊原屬衛

交流汝御勢兼漳  
聯鑣宴笑衝殘雪  
歸權淒迷徧綠楊  
此去長河更千曲  
那堪尊酒入迴腸

臨清新城文昌祠後殿  
下有明方元煥三忠殿  
碑記三忠者蜀漢關武安唐李西平宋岳忠武  
也今殿改祀文昌先世按張惡子史傳無徵俗  
重文昌祀惟司祿一事乃妄撰十七世化身始  
末混人鬼爲天神又廢古祠以崇淫祀詭比於  
啟聖何其悖耶慨之以詩

天神人鬼詎相當  
謬亞尼山祀戴匡文士但知司祿貴  
星精未免閱人忙  
孤忠先後齊關岳再造功名冠李唐  
世系何從徵惡子  
殘碑無語殿除旁

詩存三

三

阿城別有感

安民在知人忠佞豈難曉  
應機不立斷事過神反擾  
吾愛齊威王勇決千古少  
一鳴信驚人去惡如折槁  
檣舟古阿城故迹訴遺老  
濟水此伏流舊井封碧草  
鉤吻充黃精雁鼎世共寶  
良無洗眼泉瀆辨徒自黷  
未聞渾河流能以寸膠了

蚩尤冢

京觀荒涼土一坏  
凶黎絕轡應龍回  
乘時風雨同妖亂  
失勢兵戈盡劫灰  
鬱鬱喬山明德遠  
悠悠汶水白波來  
銅頭鐵額成何事  
絳帛奚煩論眚災

去春長星見有指爲蚩尤旗者

泛蜀山湖

野寺依卷石清流淺可划游情紛柳絮客思冷蘋花勃  
肩村姬拜嘔啞惡少譁遙山堪矚眺入百任箏琶

登任城太白酒樓放歌

滔滔汶水東南流西風吹船泊濟州夕陽欲落猶未落  
褰衣徑上城南樓城中當年寄酒星時時攜酒游南城  
危樓崛起高百尺隔河遙對青山青老龍分水樓邊戲  
告我地形南北異若從南旺踞高岡尚見樓岑在平地  
舊測南旺分水處  
平地與此樓岑齊林森森兮綠玉環水漠漠兮沙鷗閒  
雲車風馬恍惚而來下極目疑是徂徠山徂徠之山不  
可度萬象宛羅迴薄算修眉一一浮遠天錯落翔鸞駐  
烟霧東飛一鶴去不回千年接迹誰尊壘閭閻佳氣自

詩存三

三

茵鬱下顧俗世眞塵埃樓前何處射戟臺抨弓一發呼  
如雷迄今故迹成蒿萊仙人仙人兮笑口開英雄豎子  
皆庸才金波在城酒名之酒初醲醅與君一醉三百杯纖阿  
蚤跨冰輪來

發濟甯至韓莊雜記

守牖憶柳林祛愁陟隴阜舉目見遙山出沒雜蒼黝一  
髮尤纖微合我凝睇久舟行小長溝螺髻堆左右有如  
寤寐交一見成故友偕我過任城時時勸尊酒昨行在  
我前今忽在我後又如同心人臨別意逾厚安得夸娥  
子隨人挈之走迎面忽烟巒當船復探首

爰過任城牖今作在城牖字形相近而語有  
元俞時中任城東牖記可證山色何離

離其東浣筆泉

泉自任城隔東南二里入運河

南會洗硯池

有宣聖墨硯池俗名硯瓦溝

墨花所灌注漕運亦以資大哉聖人力濟物真

無私言至仲家淺頰首仲子祠農桑安孝養負米風未

師莊有梁山伯祝英臺墓

漓五里抵師莊云是顓孫遺何為鴛鴦冢

伯祝英臺墓

蓋附會豔侑連理枝聖門豈有是俗說殊堪噴不如對

遙嵐有酒斟酌之

導沂自尼山導泗自陪尾合流竟城東入運魯橋底洩

洩赴南陽百愁寬一喜昭陽葦冥冥獨山波瀾瀾斥北

白鳳凰東西互偎倚

獨山湖北斥有白山鳳凰山東西山

遙瞻滕嶧聞

參差眾峰起窅靄鬱森林微茫隔烟水好風自東來行

行若相抵迢迢凝望惟恐此景徙辛苦負舟人邪許

聲不已

詩存三

西

昭陽既蹶落獨山漸沮洳沙河入彭口外盛中已淤具

文眠冬挑異漲民其魚向晚鄒山邨恰值雷雨餘羣峰

如美人膏沐相軒渠臨風倚廣袖白雲時卷舒巨浸浩

無涯歷滕嶧沛徐竟曹十州縣眾水此所潞

微山湖界滕嶧徐沛

之中周百八十里受鄆城嘉祥魚臺金鄉

城武曹州定陶壽張曹單各州縣之水

卓絕宜幽居畱侯既仙去蛻骨存遺墟黃石與赤松望

古徒褰裾

曉發抵韓莊面面環疊嶂偃蹇牛服箱嚴肅馬立仗避

人遮便面窺客設步障鵠峙若傲睨雁行如退讓聯縣

顯殊態雜沓出詭狀秀色入蓬胸拭目疲眺望長河挾

眾水建瓴勢絕亢，插隘風阻之急，溜爭一放水，師力牽挽絕。山聊自壯，神駒脫銜，豹飛騁不可防。去奈何非鐵舟底與沙石抗，稍定失羣山兩斤，屹相向。客愁來無端，徒聞榜人唱。

中河道中讀靳文襄治河方畧偶題

更鑿中河接旱河，飛芻從此定風波。朝廷專任時非偶，前席虛衷好豈阿。漕轉會通韓尹重，功成戴壩白英多。憑他眾口騰疑謗，千古遺書已不磨。

淮陰侯祠

六尺飢驅寄會難，從容胯下市人看。千金淚洒王孫飯，一劍雄飛上將壇。震主奇功鍾室禍，封侯幻夢釣臺寒。

詩存三

五

不知漂母祠前路，過客於今孰似韓。

毛惜惜祠

惜惜宋營妓，紹興時高郵守城，別將榮全以城叛降金，惜惜責以大義，不聽罵賊，被殺。土人祀之，南城爲英烈夫人。

此亦青泥不染身，露筋祠外又真真。龍騰百寶將軍劍，不殺金人殺美人。

呈儀徵相國

瓣香卅載切欽遲，眉宇初忻見紫芝。夾袋人才真宰相，還山面目舊經師。團團霽月明無極，藹藹春風坐不知。好學崇儒猶昔日，進修三復衛公詩。

滇池越嶠久封疆，投老黃扉髯已霜。早歲功名傾海國，暮年懷抱異江鄉。感邀明詔時存問，忍乞閒身便退。

藏間道雙松泉石相國所居齋名畔蒼生猶自費平章

通儒名世兩兼難鉅集煌煌幾續刊手訂尙將新彙易

人閒久作古書看傳經四世天倫樂歷仕 三朝政績

安遠溯文貞安傑相國近文正大興相國他年青史庶齊觀

鴻雁隨人爲稻梁荒蕪舊業待更張辭華學業期徵實

文苑儒林漫較量精舍頻年瞻許鄭選樓今日訪蕭梁

雲亭問字平生志敢向門牆署末行

毘陵訪繆徵甲時君客淮陰不值寄懷

一星樓指數離懷勞燕何期信又乖心似閒雲歸不得

更隨江水溯長淮

秋暑

詩存三

六

秋暑方憂旱勢張夜間風雨更愁腸人閒正有無衣客

未要天公剗地涼

十月

小雪已過大雪來南風三日桃李開今年天旱寡零雨

十月電光鳴鉅雷寢覺被池苦潮溼坐間簷溜相橫去

催蟲聲蕩蕩爾何事得意似喜陽春回

奉和儀徵相國北湖萬柳堂別業原韵

艸堂偶襲野雲名大勝紅塵紫陌行無恙烟波溫舊夢

忘機鷗鷺狎人聲從來水國宜清夏公有湖莊清夏圖

有定香亭清夏詩况此漁鄉樂太平地爲宋淮南東路三十六

坡圖畫裏火城回首不勝情公京師萬柳堂詩有

如水臣心不起波歸耕樂事付謳歌和風曉長千畦稻

好雨時翻萬葉荷趙松雪盧陳齋集萬柳堂歌驟雨打新荷曲黃鳥亦知岑

蔚止珠湖草堂舊有黃鳥隔今竟有鶯巢游魚還聚綠陰多依然贊化調

元手能使羣材自濯磨

畫入耆英誰得似須眉漫託桺漁圖公以清湘道人桺漁小幅為桺湖第

四圖通經足用真才出絕學將微大雅扶四海蒼生思碩

輔五車著述彙羣儒潞公壽考溫公望謝傅奚論邵伯

湖地與邵伯相對

此閒真有滄洲趣見趙松雪題萬柳園圖飯稻羹魚更看花嫩綠

千絲疑列幄鬧紅一舸豈浮家先憂後樂瞻風度頤性

延齡頌日華公八十歲頤性延齡四字賜壽尺幅清湘聊寄意

詩存三

七

幽情漫擬竹中茶

送凌厚堂歸吳興

春風酒一盃送我別燕臺為道茗溪月喚君歸去來青

山偕隱計白首著書才真踐扁舟約杏花今又開

山館孤燈裡相逢話舊深許身千古事知已九原心錢謂

通守壯氣消長劍遙懷入短吟東華車馬客不解鳥投林

論我何蹤跡知應笑子陽途窮難去任道合重商量敞

篋龍韜毀名山蠹簡香刺船從爾往漁釣水雲鄉

春水碧如雲停杯且送君湖山遲後約風雨惜離羣自

昔通儒重於今世議紛紛經如卒業異義幸相聞君著

秋理辨五十餘卷未寫定

秋夜宿式古居

多謝青燈意深宵尚炫然孤螢鳴斷蠶點鼠嚙殘編索  
歷新涼味淒清八月天未須鄰笛起已自不成眠

奉和儀徵相國點蒼山畫仙歌

大理石出雲南點蒼中峰明李日華六硯齋二  
筆始載之近世遂盛行相國督黔滇時得奇畫  
尤多各為題品撰石畫記四卷板毀於火乙巳  
夏郵示屬校重刊輒和卷中畫仙歌寄呈點蒼  
山或云卽水經注阿難降天魔波旬於耆闍崛  
者是也

君不見耆闍崛山一卷石三百年前未開闢天公欲試

詩存三

六

畫仙才故遣南荒顯靈跡香巖馥郁中峰連觀者是佛  
畫者仙丹青水墨定何物慘憺寫出壺中千古來畫家  
非一手北派南宗異窠白仙人妙想契化工濃淡平奇  
無不有仙人之名不可知仙人之像自畫之有點蒼山畫仙像一

石甚奇荆關董巨慳一見應呼石丈還相師烟雲為筆石

為幃幅幅屏山各殊狀鬱蒸靈氣有時升倒印奇峰滿

天上擲筆忽作雄雷聲此時石破天亦驚波旬警服菩

薩笑妙香散落花冥冥紫府真人上清宰大興朱文正公嘗謂相國

為紫府真人手把芙蓉泣滇海巖穴搜材聚一編玉軸瑤函

露光彩點蒼青入斗牛墟看畫題詩畫不如石中倘有

仙人降來讀瑯嬛未見書相國舊有瑯嬛仙館為藏書之所

送郭福衡之徐州

孤蓬正搖落，鸞鳥野踟躕。拔劍出門去，關河風雪俱。良無妻子累，豈為利名驅。策馬重回首，平安憶守株。

若過淮陰市，相逢慎帶刀。艱難窮士淚，意氣少年豪。日落黃河凍，雲飛苾碣高。衙齋應折節，今古幾綈袍。

偕偉甫訪黃鶴樓金臺熊其光還訪顧誕朝畱飲

有感各志以詩

吾宗老廣文，好客時命駕。先施予未能，既來亦往謝。相約詣黃公，高名播江夏。駢辭盧駱匹，麗句陰何亞。訪舊五昔城，扁舟昨方卸。鴻才夙昔欽，龍性中年化。開圖索題句，屬題扁舟訪友圖意氣抑然下。吾聞交有道，去莠滋者稼。

詩存三

五

獨學寡見聞，道廣多假借。書生濫朋從，標榜求聲價。志得須臾間，相傾事虞詐。平生編紵懷，於此頗醞藉。三復結交行，狂奴幸無詫。

吾黨熊安生，奇氣橫九州。高才志絕學，博覽兼冥搜。胸羅四部書，屬目無全牛。老矣姚武功，君近從姚丈春木游乃遇賈

長頭賞奇析，所疑雄辨張。雙眸下士惡，間道眾口多。悠悠吾間學，在己外物非。所求毀譽兩俱忘，乃足增媵修。勿以腐鼠嚇，輕試吳王鉤。

顧君狷介人，守身如執玉。久疏尊酒懽，勸我試新醪。雙指數交游，當時頗徵逐。今日成晨星，各自殊軌躅。誰云口相同，乃有嗜昌歎。蘭以膏自煎，魚亦我所欲。方寸苟

自存急流能立足廿載負儒冠何以振習俗把盞一慙  
然感舊同根觸願保歲寒心無爲交道辱

題高三祝輓紅集卽送入都

十年著述溯周官君著春秋職官考略用功最久脫橐新書幾個看笑

逐槐黃跨驢去詩名一日徧長安

代飛燕雁太恩恩甲辰春君會試入都予適束裝回南回首前塵似夢中

此去春明春正好酒旗吹滿柳花風

小住南村小園畱別程文榮用少陵重過何氏山

林韵

十畝南村地幽棲好著書精心蒐卷軸曠志託蘧廬君自

題門云吾今舍此樹古宜巢鶴池寬始育魚乾坤本高厚清福

詩存三

三

豈難居

老屋同居隘喬柯昔歲移好音鶯喚侶學舞燕將兒列

架花爲壁通波水滿陂卜鄰應鄭重餘事及藩籬

微苾求古意癖嗜孰同時定武蘭亭帖昌黎石鼓詩殘

書珍妙墨僞跡辨游絲獨有覃溪老君論帖最服膺大興翁閣學心

香是所期

十日黃梅雨昏昏晝更長提壺倦杯杓瀹茗試旗槍戶

牖多荆棘江湖自稻梁西牖聊坐話暫得傲羲皇

著述期千古成書尙少年儲藏擬清閤結構效平泉俗

眼憎金穴人情作聖田感君能好客此別意惘然

偕錢叔保熙哲寓禾城幻居庵坐雨不得出李善

闕孫融揚韵于源何昌治朱大令緒會輒相過

話雨觀所藏明季諸賢分寫華嚴經墨跡襟記  
以詩用少陵重過何氏山林韵時陳碩甫明經  
自杭至禾客大令署予至之三日訪之則前一  
日去矣故末章及之

得閒聊作客借雨好觀書地僻空僧舍身安即我廬落

花驚埵蟻投餌出池魚多謝諸君意逢人問幻居  
南湖臨水閣近局一尊移柳密鳩呼婦沙圓鴨聚兒薄

晴喧午市久雨漲橫陂物候戎葵準媽紅見隔籬  
舊雨兼今雨聯歡此一時禪鋒儒入墨景語畫中詩握

策登經席李君精究中西算術近從碩甫受經栽花鄙繭絲大令宰嘉邑尤培植士類

詩存三

秋風遲後約白水誓心期

華嚴眞法海妙集眾賢長雷煥雙龍劔哥舒半段槍諸賢

墨跡有兩人合書者有殘缺者墨花空色相女僧書一卷眼福飫膏梁佛力

能逃劫慈悲信覺皇

久別思陳俠星離又十年暫停駕水榭厭飲虎林泉碩甫

客杭最久時歸長洲著述窮詩藪所著詩毛傳疏已梓成菑畬老硯田代飛

成燕雁交臂悵茫然

華嚴墨海歌

明季諸賢華嚴墨跡本青鎮寶閣僧道琳所集  
其後乃移於禾城幻居庵葺石齋有正味齋雨  
集皆有詩叔保既觀是跡以爲雪泥鴻爪不負

此游將繪圖以誌其事屬先爲長歌

幻居非幻居非居人生蹤跡鴻泥如鴻飛冥冥爪跡在  
誰爲眞實誰空虛小庵下榻偶三宿岑寂恰喜城東隅  
老僧手啟祕密藏墨花璀璨雲霞舒經八十卷行願一  
昔存寶閣今移儲我間道琳發宏願托鉢分乞名人書  
正如善財參法界徧歷國土忘勤劬十方種種善知識  
脩證各異精誠胥或宰官身或居士平等亦有僧尼俱  
悉以如來智慧力乃至字句無齟齬一點畫閒現佛相  
身雲徧覆青芙蓉華藏世界各具足中懸大寶光明珠  
照見當時寫經者一一捧筆神懽愉而我開函敬瞻禮  
亦見膜手軒眉須妙莊嚴海卽此是何必禮足求文殊

詩存三

三

諸公逝世二百載古今相望徒唏歔節概風流尙可想  
遺墨寶似千璫琚從來法性本常住豈與世變爲乘除  
福緣會合幸相值宿根或者前生餘安知天宮說法際  
諦聽不有君與余長歌聊以識萍水漫冀泡影畱須臾

水災行

皇帝二十九年太歲己酉大人占之乞漿得酒何爲春

夏閒日中見斗解一三月雨瀾瀾四月不見晴踈島晝長

匿魄兔罷夜明解二維仲夏月在午日夕沲滂昏黑莫睹

女媧鍊石不敢補商羊嬉嬉跳而舞解三風從東來風從

西來風從南來風從北來癡雲漫天吹不開但聞統統

萬鼓聲喧解四昨日潮來水長三尺今日潮來水長六

尺潮來不來城中水大於澤五城中水高壞壁倒牆城

外水浩浩潮神退而望洋六爰求低田低田已成江河

爰求高田帆檣歷歷田中過七耕無田居無屋身舟流

家壞木兒飢牙牙向母哭語兒勿哭行與爾葬魚腹八

魚腹脹欲死起逐鳥鵲游畫龜飽殘惠一躍登樹頭樹

下誰家墳磷磷白骨隨波流九鄉民訥訥匍匐哀告太

守及大令願陳災荒下救民命詳大府達十天聽十一太

守大令相顧而視為爾祈晴雨當止斷屠禁鮮藁何況

羊與豕邏役如虎狼索錢徧街市十二一雨累兩旬餓

死多良民莠民不死聚眾何怳怳朝行搜索倉困算行

入室殺主人十三

再題蔡梅茵鵬飛詩藁次見贈韻

歲暑飛騰駛急湍一編猶自付申韓君如鷲羽秋來健

我似低碁局外看飯顆有山嘲杜甫蓬門無客臥袁安

平生不入雲閒社肯效鮎魚上竹竿

瀾翻筆舌挂迴滿楊陸之閒溯孟韓世路平陂隨境換

山容向背任人看轉圓頓覺千言溢入險難爭一字安

到此始知詩律細麤疎故技欲投竿

送蔣敦復回寶山卽效其體

嶽崿歷落可笑人蔣生所苦不在貧廿年浪迹牛馬走

醉來燒卻頭上巾出門十事九坎坳故態狂奴無一可

號寒已是可憐蟲自謂鳳皇不如我朱門長揖座客驚

詩存三

三

拂裏笑倒曹邱生登臺袞袞世亦有視子骨相非公卿  
別來七年重識面示我新詩更屢變美人香草不勝情  
託意微茫幾人見拔劍斫地歌復歌知音者誰柰爾何  
黑風吹海海水立么弦迸入商聲多烏乎丈夫窮達何  
足問閉戶讀書良不恨他年出處未可期且著君家萬  
機論

送何

昌霖

應試白下兼寄令兄

昌治

昌煥

時感豐

紀元元年

陽鳥吐燄燒天紅何郎觸暑何匆匆紀元首需時雨功  
欲以三鳳鳴咸豐尊中有酒清若空酒酣贈別忘蘊隆  
看山一路東南風江濤八月秋正中枚乘妙筆兄弟同

詩存三

我畏鞭策如嬾龍看君去作摩天鴻

紡績行爲干節婦作

金山千金粟婦金氏節孝撫孤勤於紡績道光  
壬寅婦年七十三子皆娶婦生子矣績仍不輟  
謂其子曰自吾爲汝家婦手紡木棉以兩計者  
幾五萬矣越二年卒啟其笥惟斷織零紆鋌森  
森百平湖陸錫智爲之傳先以乙未冬有司

題請綽楔同時被

旌者有盧勝來妻沈德華

妻皆千氏爲婦兄妯云

婦姓金本土族適千氏諱金粟學何劬算則促黃口在  
室白頭在堂年未三十夫竟亾夫亾不亾妾身在上無

飢寒下無餒吉貝之白如妾心日出而作至夜深千條  
萬條手不斷千緒萬緒心不亂貧家有書讀不成母也  
紡績兒治生五十年來五萬兩翁姑已葬孫已長傳家  
母訓更無多滿篋遺嫌意堪想烏乎黃道婆丁娘子清  
節畱名類如此君不見沈盧兩婦 旌表同金粟之姊  
婦女姁

題畫冊六首送青浦錢明府

德承 爲胡庶常 履吉

作

清霜灑百草秋氣方含辛使君單騎來闔境回陽春習  
俗無醕漓轉變由仁人數言問疾苦民志固已申 下車

安撫

詩存二

五

軍興迨三年賦稅豈不急奈此饑饉遺敲扑嗟何及官  
倉十石儲編戶千人泣豐稔亦有期流亾庶幾集 請命

緩征

邑宰親民官要在別良莠莠除良未安賴我慈父母念  
茲創痍深煦嫗一何厚官心卽民心非徒恃梁糗 撫卹

安黎

扞衛非具文寇醜猶未熄身家爾宜籌守土我盡職消  
彼獷悍心作其忠義色忠義誰則無感君激勸力 團練

鄉兵

士者冠四民爲治首所係豈曰兵燹餘文教姑緩計人  
生誦詩書所貴明大義悠哉蒼士心亦以靖民氣 重興

九峰鬱茵茵泖水清且漣慈雲孕膏澤覆育方期年霖  
雨不我私欲去彌海堧安得駐雲車長此青溪邊青溪  
祖道

楊堦祖母九十壽詩甲寅重九日

月亦九日亦九松子糕菊花酒阿孫捧觴為母壽母年  
今九十康健勝阿嬾食不噎背不偻其天全者其福厚  
當時隨阿翁歷官浙左右阿翁性豪邁施予徧戚友母  
也脫簪珥親操井與曰堂前宴客室內紡績不停手翁  
沒三十年田廬無一畝阿孫傭書苦奔走受恩者何人  
報德者誰某阿母喟然歎往事吾何有吾年今九十閱

詩存三

美

歷頗已久榮華烜赫凡幾家白衣紛紛變蒼狗但願爾  
曹讀書知禮法世德相傳堪不朽貧賤何足云賢達必  
有後含飴撫重孫啞啞笑開口阿孫鞠靨三頓首請歌  
此詩獻一斗

乙卯新正禳感

平安又喜入新年一串春聲爆竹連循例衣冠聊謁拜  
娛情金鼓遽喧填市頭菜價高於肉牆角梅魂瘦似烟  
見說三朝逢雨水昭蘇或莫轉低田  
頻年愁潦忽愁乾望雨終虛雪亦難拔木祇聞風拗怒  
放晴旋見霰闌珊人閒薺麥無遺種天上星辰有列官  
如火縣符催折色新正石價又加寬

紅巾到處竄游魂此輩么麼久處禪浮海水仙終漏網  
跨江山賊尙當門傾家助餉鄉民願計產書捐大吏思  
又是上元燈火近可無良策取崑崙

萬事紛紛付一杯殘書數卷北牕開酒龍我自空山臥  
風鶴人憑越境猜老去心情惟習靜醉餘詩句不成裁  
癡頑絕倒聞兒女奪采謹呼鼎甲來

嘉興襍詩

乙卯九月階錢叔保再寓幻居庵

每到南湖聽兩忙者番喜見夕陽黃菱歌漁唱都休歇  
杯茗怱怱勸買糖

七載饑荒小劫愁沙灘曾記繫扁舟幾行疎柳楊家閣

悄立西風認舊鷗

楊韵水間昔會游之今易王矣

詩存三

三

淺水平橋訪幻居老僧迎客笑軒渠憑闌又動濠梁興  
梵唄聲中看飯魚

行李蕭然兩故吾又從蘭若借團蒲明賢墨寶渾無恙  
先喜斯遊定不孤

秋樹蕭騷景不同夫容幾朵學春紅遊魚也解枯禪意  
一任酖顏映水空

物我原無執見存一花一蟻佛同恩剎那共證華藏海  
五十三參總鈍根

昨從長史墳邊過今向杉青牖畔遊試上落帆亭子望  
敗荷殘柳一般秋

大僕祠邊看舞蛟森然頭角儼騰捎更無人舉蛇蟠字

漫仿青蓮賦解嘲徐太僕祠舞蛟石朱竹垞太史改名紀之然今人但知舞蛟耳

為愛幽居嬾出門佛香經卷數晨昏談詩讀畫無為子

謂楊風雨時來共酒樽

一鶴東飛無短李李善蘭壬叔昔館禾城今遊滬濱孫郎閉戶學維摩

孫融久病不出少年別有陳驚座陳鴻諱曼壽肯逐閒鷗日至麼

寶匱莊嚴結勝因妙香薰徧絕纖塵十年願力能堅固

此卽如來不退輪叔保昔嘗發願作二圖以貯明賢所寫華嚴經至此始成

廿日茆庵坐嘯歌不知人境有干戈歸橈暫向溪橋泊

爭說城廂盜賊多

病瘧驟羸作此自嘲亦自解也

詩存三

天

東坡嗜花豬未免食囚相我生本老饕舉箸必滿量鶴

背苦太豐豕腹得無脹宜遭西土嗤君輩豈裹樣子與尚之

壬叔皆體肥英吉里士人艾約瑟當日吾西國為算學者多瘦君輩何獨不爾冬來瘵且疴見

會輒惆悵俗說多顧屈鮮肥遂久曠胃弱腸亦枯納少

神不旺臞然此皮骨畏與枕席抗攬鏡長咨嗟面目何

大喪疴鬼旁挪揄斯語殊孟浪世人貴錢刀君獨游澹

蕩世人競功名君獨高自放何用貌團團真面目乃忘

為君易毛髓離彼塵土狀長齧亦可飽野藪亦可餉要

令絕腥臊洗剔到中藏庶幾冰雪腸勿受五濁障聞言

謝二豎藥石惟汝仗一笑熱已除我疾固無妄

和黃小田儀部富民吳江道中遇雪九言

憶我去年秋九遊嘉禾天時尚暖雨少晴日多誰知歸  
舟遽遭二豎侮四閱弦望疢疾猶未瘥塞向瑾戶有如  
蟄蟲蟄滿冀新正氣轉回陽和不風卽雨不雨卽大雪  
助鬼爲虐天意毋乃苛忽聞故人正在玉山道扁舟襍  
被奈此嚴寒何二十六日清晨叩門急山陰返櫂特地  
來經過披衣出見相視各大笑是翁鬢鏘不飲顏自醅  
蘇臺小住卻復遊樵李渡湖冒雪擊楫還高歌盤空硬  
語詩骨一何健少陵奇句幾欲銷沈疴瑤天玉戲似爲  
乃公設要使蓬胸破寂資吟哦山村水郭盡入水精域  
平林遠樹錯落皆瓊柯洞庭烟鬢隱隱七十二遙知此  
際亦復頭俱皤便欲與翁同舟作李郭洞天林屋攬勝

詩存三

五

攀藤蘿武陵桃源或者在人境一竿垂釣戴笠披漁蓑  
日對苾洋三萬六千頃蕩滌心目百不聞干戈不然潛  
師入蔡學李愬軍聲殺雜那辨鴨與鵝短兵隘巷但見  
髑髏墮熱血洒地白雪成紅波然犀燭水誓令魑魅絕  
溯流直上鞭策龍龜鼉雪銷凍解還我諸薺邑肅清楚  
粵乃至江淮河樓船鼓吹送君返姑孰君本當塗籍居  
蕪湖避寇來此  
坐看青山白苧仍嵯峨圖書金石檢點各無恙失喜紛  
紛眾說皆傳訛謔言嚙語陽氣見大宅拔劍斫地眼已  
無么麼翁聞我言起立長太息書生習氣往往同曰科  
須與客去依舊擁衾臥夜闌覓句病眼還摩挲隆隆大  
聲忽發在西北盤旋乃若巨磴艱磋商是夕所聞如是  
或見有星如斗

自東南墮西北云或云天狗隕地賊氣盡震雷一擊指日摧羣  
魔快然放筆遂效郢人和尖义險韵無力追東坡

和小田訪楊韵先韵

長塗風雪峭寒天訪友南湖路渺然一塔瘦如拳鷺立  
幾家深住白鷗邊便逢野店同酣飲絕勝孤蓬獨醉眠  
畫入吳綾堪易酒何須更問杖頭錢楊君工六法

丙辰春暮僑屋張溪小田來見予壁閒自撰聯睡  
起笑捫王猛蝨狂來驚走葉公龍句遂足成一

律見貽次韵荅之

一室惟求膝可容荒園儘我種杉松論才未敢窺袁豹  
把臂何嘗許董龍千萬買鄰徒結願三年作客去奚從

詩存三

三

小田客此已三年莫言彼此同羸睫猶勝梁君廡下春

詠史一首四沓前韵

一疏危言聖主容黃茅白葦見孤松爭營月窟憐鼯兔  
獨向天門效燭龍是否空談終有補依然法語得無從  
徒薪曲突須臾事早遣資糧辨宿春

病甚戲作自輓五沓前韵

先秋蒲柳見衰容駐景難求五粒松豈有文章如虎豹  
或憂太歲在蛇龍何煩北斗名重注便往西方意未從  
祇是湖山清夢孰連夕夢至西湖叢巖坐聽玉泉春

病勢漸疎而天氣久早有涸轍之虞六沓前韵寄

小田

未教奪席王夫容還伴人閒竹柏松起死有方來扁鵲  
時服何昌治方未見和呼天無術捕乖龍詩壇暑暍降幡豎以前詩三首寄小田  
故激之酒壘秋高執弭從只恨相如猶病渴鳴檐那得  
夜泉春

和小田望雨不得八沓前韻

抗疏何人效孟容唐貞元十九年夏大旱給事中許孟容疏論時政只愁枯槁

到雲松泥塗枉自勞秧馬酒脯羞看享土龍舊雨不來

風可訟晨星易落月虛從自今日午初至明日午正月離於畢在下弦後日加辰月

和小田生朝志感次原韻

雪入吟髭又數莖老來佳句勝陰鏗年隨逝水奔騰去

詩存三

三

詩共窮愁宛轉生家國音書供殢酒雲霓望眼夢銷兵

呼兄且受荷花拜俗以六月二十四日爲荷花生日原詩有笑先荷花二日生句暫借

簞杯祝太平

雜得近報感賦十沓前韻

纔聞寇騎退句容警報傳來又獨松獨松關在安吉州爲通廣德要道

有日燎毛殲豕蝨何人探睡取驪龍捐輸計口憑要挾

盜賊平心半脅從四載可憐吳楚地沿江邨落罷炊春

七月十三夜雷雨不及刻無以救旱小田用梅都

官苦熱詩韵索和因卽其韵荅之

般雷起南山女魅宵遯逃滂沱不周刻忽復屯其膏長

官急催科指摘窮吹毛吁嗟蒼生血涕泣空沾袍天時

及人事感應爭釐毫朱厭與肥蠶同惡相輩曹誰能挽  
天河令若芥見搔晨興看雨景赤日東方高

復旱仍用梅都官韵

秋旱甚於夏酷烈無所逃天公慳雨澤金石徒流膏田  
禾苦焦灼赤地生長毛

地生毛如人髮有黑白紅三色蠶蠅蘭晝夜絺

綌如緇袍夜露雖繁滋所及能幾毫屏翳與豐隆上界  
尸官曹農磬雜歌哭入百首屢搔舉頭望天畢又見殘

贍高

前月二十六七兩日  
離於畢今又轉終矣

和小田書悶用前韵

醉鄉自有樂匪託昏冥逃廢耳目且黜聰不食嗟雉膏腹  
菜不踏羊葫蘆聊去毛閉門臥索句久已忘鞞袍跌蕩

詩存三

三

萬古心禿盡千兔毫雖爲異鄉客差勝隨馬曹祇餘塊  
壘胸耿耿難爬搔誰謂杜季良不如龍伯高

和小田感事用前韵

吾欲謁仙闕放杖歌董逃白兔搗神藥煉此續骨膏救  
彼下土人辟穀身生毛遙見雲中君顛倒赤霜袍舉手  
摘天錢析利窮纖毫道間雷公死舌撝諸仙曹猶然蔡  
經背妄想麻姑搔東海已揚塵何處尋琴高

勸子用前韵

爾年過志學勿效村童逃要思古之人繼晷還焚膏讀  
書恃天資所得終皮毛有如衷敗絮裹以宮錦袍舉筆  
動輸人所挫豈一毫不憤亦不啟此正謂汝曹温故乃

知新紉繹母憚搔不見蕉有心日夜能自高

閒居用前韵

閒居學灌園避跡如藏逃營營鮑魚肆那得婆律膏欽  
鴉冒鳳皇不如烏鵲毛蛛絲織單縠不如麤布袍良無  
背後眼敢現眉閒毫吾齒漸衰朽無力隨兒曹病餘膚  
體弱塵垢滿一搔殘書甘送老敲戶非鳴高

小田見過留宿夜話次韵

不嫌三徑半榛蕪坐有黃公興不孤得句無煩入义手  
憂時又白數莖須幾多老伴成蛩蟹一輩英年自俊廚  
往復聯吟聊適意憑他眾口論王盧

清風明月助宵談世味何如酒味甘洞腹容人甯止百

詩存三

三

枯腸舉酸不勝三有時嬉笑還當哭未免嗔癡但絕貪  
老去子雲能解事年來冷暖已深諳

送何

昌洽

之郡用梅都官韵

閉門卽深山何必虛空逃芳蘭苟善匿誰得煎其膏文  
鳥困雕籠豈不由羽毛古人知此意肆志輕冠袍壯士  
萬金劒才人五色毫長材各乘運錄錄非其曹溪干送  
君別心瘡不可搔閒雲莫出岫木落秋巖高

次小田偶成韵

擾擾物情安所營乘機彼亦一時榮青蟲作繭圖速化  
小草拔心甘倖生貴賤何常金亨帚江河日下公慙卿

漁樵與汝訂偕隱不願世人知姓名

張鴻卓用龍字韵見贈仍沓韵訓之

老去依然有醉容風裁真是後凋松到來幸未門題鳳  
前次見訪不值相見何當劍合龍檢點楹書傳犬子頗能讀書

節高吟應牘春

沓韵訓董兆熊

殘花病葉作秋容偃蹇空庭獨撫松節序遷流怵燕雁  
天心曼衍戲魚龍兵荒滿目徒咨歎風雨懷人孰過從  
時君在玉峰

題耐寒圖

一片危磯一釣竿乾坤如夢正嚴寒閒鷗宿鷺都無迹

詩存三

只付漁翁醉眼看

小閣圍爐獸炭紅高齋楫楸樂冬烘誰知鐵笛扁舟夜

月滿江天雪滿篷

問小田疾

去年九月吾始病問疾勞君心恹恹可憐二百六十日  
乍似麀麇脫機穽今年九月君復然屈指殘冬歲將竟  
雖間廉頗飯差健無奈左師足難撐知君初起僅脾泄  
過服寒涼患乃更病非徒瘳又類辟酒本傷中下歸腑  
我淹郡城近九旬痞鬼復來時苦清說文清寒也呂氏  
清寒蓋即冬温夏清之清今素或言要務在戒口巨耐  
問諸清字亦並從水疑古通用

老饕不改性中年以往體就衰那得飛揚比強盛護持

猶慮元氣薄，斲削何堪外。邪併已令羅，服冒人參又。向  
粗工託性命，有如唐宋在中葉。根本已虛無，善政宦官  
煽惑方鎮，驕盜賊羣飛敵國。橫庸奴泄沓，效模稜。姦慝  
紛更竊魁柄，斯時誰爲醫國手。材德庶幾綱，與晟內安  
鳩毒外聽讒，用舍乖方終不競。我年五十君過十，嗜好  
酸鹹頗季孟。崔楊倡和附，松陵元白聯吟號。長慶爾來  
契濶頻，寄書調攝異。宜每相諍，麴生來謁姑。請辭麥末  
雖甘暫當屏，必鄂切豈能結習忘筆硯。慎勿深宵對燈檠，  
破除抑塞先治心。調劑溫涼在持平，皮命切一枝且自寄  
鷓鴣兩角看渠鬪，梟獍近傳賊勢漸解攜。武漢同收楚  
氛淨，長圍兩載城郭空。巽二威神施號令，何當吹入江

詩存三

壹

左右猛士長驅大風勁，沈疴一起百瘡消。我汗涖然君  
亦輕，奉正切作詩火速馳報君掀髯，去聲還應嗤瘦硬。

舒菽室詩存四

南匯張文虎孟彪

次小田除夕元韻

窮居忘歲暮心跡亦雙清把卷如常日催逋免俗聲鋪  
張忙穉子贏絀聽方兄獨酌還惆悵無人鬪酒兵

次小田元日書懷元韻

相見梅花又一年羈栖此老柰何天同撐病骨窮愁外  
獨寄新詩快靚先藥裏暫停猶止酒屠蘇看飲又流涎  
除夕有屠蘇三盞又偷嘗句 杜陵廣廈浮夸耳那得茅齋八九椽

江南春

金陵城中無草根曲阿以北愁殺人鬪饑滿地鬼夜哭

詩存四

東風吹作江南春江南春色復何有松柏為薪況桃柳  
賊來賊去官不知但向民間索升斗民間升斗亦已空  
去秋大旱多蝗蟲春來十日九風雨麥苗爛盡愁飢鴻  
愁飢鴻飢鴻待誰哺富翁無錢難自顧官差如虎捉樂  
輸望餉不來軍卒怒

訪小田郡城新居

漫嗟家具少於車患難隨身幾卷書我賀淮王真拔宅  
人憐陶令年移居先鶯出谷春猶早為鶴謀糧望轉虛

賸有古梅花滿壁一觴相酌劫灰餘羅兩峰梅花大橫卷從兵燹中挈出

城隅帶水近湖莊郡城西南隅西湖一樣蕭條感異鄉

君居蕪湖南城宅為賊毀荆棘荒烟宿鸞鳳江山故宅窟豺狼尋詩

獨自成惆悵對酒憑誰話慨懷憶否秦陽風景好濃春  
十里菜花香

戲詠蠟殼胸

午格交疏暎淺廊罷施帷幕愛晨光鱗鱗密綴雲千片  
稜稜分填月一方鑽到癡蠅無日破舐來鄰女不須防  
憑他風雨庭前急差免年年故紙忙  
邊幅消除試翦裁刮磨曾費幾徘徊前身海月光明性  
此地風塵保障才但使周方勤補葺何愁窺隙惹疑猜  
玻璃雲母休相耀徧閱蛟烟蜃氣來

秋日懷人詩

萬卷殘書付劫灰烽烟回首尚驚猜西湖收拾閒風月

詩存四

珍重瑤編遠寄來

朱郡丞緒曾  
浙得祕籍輒以寄脈

四壁蕭然舊使君草亭寂寞著元文金陀園畔多遊客

誰向斜橋訪子雲

畢子筠華珍時  
僑居嘉興郡城

湖樓一別二十載屈指先生年古稀聞道逢人常問訊

雞鳴風雨輒依依

碩甫

論詩有袒西江社山谷精深自有真如此高才兼勝地

可憐鞞板走風塵

江湜時需  
大浙江

投筆高歌鋏漫彈羞他鄧禹早登壇歸來一笑從軍樂

依舊天涯行路難

金華

博覽無涯好古心費才爭有事閒吟一編檠極今劉焯

不數通經孔仲深

顧觀光

江南秋老不勝哀，左右詩囊與酒杯。憑把鄉心寄征雁，菊花休向戰場開。小田

仄書辨別刪梅蹟，古注蒐羅證服虔。無事閉門常對卷，金閨車馬自喧闐。席元章

幾何九卷析毫釐，重學精微更出奇。但解買珠能棄積，何曾絕詣限華夷。李善蘭

詩腸文膽冠同時，海國茫茫悵所之。俠氣柔情消不盡，一齊分付竹山詞。蔣敦復

奔馳底事爲紛華，客裡光陰道勝家。幾輩名流愛交結，春風何處不狂花。張鴻卓

組織華詞挹古香，輸君此體繼齊梁。卽今楓落吳江夜，詩存四

說餅遙知效叔庠。董兆熊

人嫌才少患君多，俗本難醫奈世何。愁殺庭荆近憔悴，神方好與起沈疴。何昌洽

病鶴離襟困不支，別材偏遇道林師。成巢此去青松頂，滿眼荆榛莫踏枝。郭福衡 君窮不能自振李 小湖學使獨賞異之延入幕

卅載京華本賣文，還山更作出山雲。魏收老死龔生天，君與魏默深源龔定菴。別後顛顛白幾分。厚堂

神最相善文名亦相埒。和小田移居六言元韵

結鄰何必宋呂窺，徑只許羊求適意。誰非樂土題詩且，頌愚丘

三揖禮拜石丈四，千直酬青桐差喜明窗淨。几免憂上

兩旁風

湫隘竟無服馬零落尙存 賜書漫道東山安石聊比  
南陽草廬

芝蘭有時近肆枳棘不妨暫栖有客高談抵掌看我說  
詩解頤

拜賜自臺僕僕應官聽鼓闐闐攜孫踏青郊外歸來一  
笑悠然

人情水中撈月世事霧裡看花夸娥難徙玉屋游俠欲  
傳朱家

吟心四愁五噫客思三泖九峰誰訂張南周北憑渠馬  
異盧仝

詩存四

四

致富誰云有術買山畢竟無貲萬閒廣廈安得一枝深  
林可棲

作樓擬黃岡竹學圃憶范村梅何處說十七史姑且飲  
三百杯

人訝王融宋宋我憐李志厭厭鄭欽姑效吏隱顏駟本  
白郎潛

顧韋人

作偉

招同人花朝小集適以事阻不往賦

此報謝

時同人擬爲君六十補祝

先生丁巳生今歲再戊午閒身頗矍鑠對酒尤力努才  
豪易揮洒不覺吟詩苦家近讀書堆拈髭常攬古華胄  
湖黃門式訓繼名父有田供饘驚有孫繩祖武阿兄擅

法書從子工樂府交游徧江鄉一見傾肺腑得錢便揮  
霍白眼笑阿堵高談徹晝夜那復省更鼓倔強忘忌諱  
時亦遭狎侮平生山水癖勝地頻仰俯策蹇弔青山驅  
車走東魯猶恨長安遠未踏輦紅土飛騰入暮景閱歷  
異聞睹風流幾老輩嗇逝不忍數世事往復還空歎五  
雜組臥榻生荆榛動足皆網罟莫問籠中鵝居然市有  
虎屈指二十年蘭茁成宿莽朝聞銅山崩夕報金穴據  
衛足不如葵批根縱尋斧樊籬昔已撤今且及牖戶悲  
來一揮涕拔劍忽起舞浮雲何足論回首徒自憮何如  
約朋舊閒鷗聚三五請傾十年釀開懷樂樽俎況此春  
正中淑氣滿芳圃海棠將破萼殘梅尙妍嫵錄事倩花

詩存四

五

神深杯酌鸚鵡鰕生本老饕聞召卜空肚六張連五角  
良會每錯迂伯勞與飛燕東西失儔伍飲啄固由天人  
定或可賭終當選佳日挈伴命舟艣訪君養福齋無酒  
應更酤借君勸客觴介壽爲君補主賓盡一醉不者出  
童拈只恐顧逋翁欲效畢吏部

壽張理堂進七十

服食煉氣求延齡矯揉造作徒傷生先生行年今七十  
不知製朮餐黃精十里五里腰脚健食穀噉肉身愈輕  
雲烟過眼晚境蹙掉頭一笑心無撓雞蟲得失兒女事  
此與老子何虧成癩人交口佻作達我獨謂否君試評  
當君年少時跣蕩眾所驚蝦蟇食月天柱折欲以瘦骨

強支撐一跌失卻鄧林杖渴思飲海騎長鯨可憐書生  
惡心性力不天助空目瞪額塌沙土垂兩翅壯志漸逐  
滄波平滄波雖平灰未溺無奈耳目猶聰明豈能聞見  
學龔贖污濁在膈忍不傾朝作秋蟲聲暮作秋蟲聲搯  
擢冒腎鉤物情致死尙與天公爭海山兜率皆仙京虛  
左待作新宮銘或言此獠太倔強窮老未許雲駟迎要  
令三見蓬萊水清淺鶴書再召山元卿

苦雨次小田韵

漫計他時旱

農占四月多  
雨主夏旱

先憂此日霖石頑難補漏民

病不勝鍼逐婦鳩何急呼晴鵲久瘖舟車在人事未敢

測天心

詩存四

六

夜聞秋蟲襍鳴感而有作

梅雨斷復續空庭晚蕭蕭餘蟲促秋響夜氣增宋寥赤  
帝正司令何爲感金飈坐覺單袷寒清愁酒難澆頗聞  
青溪寇欲射錢唐潮彘使達直沽爾虜非天驕大道有  
時屈氣數中或滄么麼此草蟲非時遂嚶嚶物理適遷  
變倚伏甯一朝念往既有然思來悵無慆所媿賢達人  
歌舞娛中宵

陳節母詩

節母海鹽夏氏女幼失父母寄食鄰母汪年二

十七嫁陳某生一女屋火夫旋卒叔利兄遺謀

嫁嫂急負女遁仍依汪積勤葬夫儻破屋居之

復遭土匪火還歸汪數年女長嫁徐生迎養母  
咸豐元年 旌表如例

堅金有時鑠直木有時摧誰謂弱婦女百折心不回孤  
露當幼年寄倉淹標梅嫁夫有恆業山雪期同皚鬱攸  
爾何讐使我家室積豈徒家室積寡鵠鳴悲哀原上有  
鷓鴣化爲狼與豺出門負穉女中路重徘徊仍感鄰母  
賢相倚無嫌猜篝燈事紡績刀尺勤縫裁不卹十指裂  
始得營一坏辛苦定新巢忽復成飛灰仰天叫無辜抗  
我何酷哉愴然眊舊枝戢羽還重來堅金竟弗鑠直木  
竟弗摧半生墮風波波靜雲亦開雛鸞歛長成擇壻多  
藝材生女勝得男奉養同南陔回首四十年過眼如烟  
七

詩存四

七

培

耀 榮旌表綽楔節母猶傷懷節母幸母苦天道裁者

遣暑雜題

數年暑月久無此今夏驕陽何太驕南風亦自畏炎熱  
藏在樹頭不敢搖

動搖忙殺蒲葵扇纔欲翻書汗已淋第一可憎蟲最黠  
但窺人隙便相侵

具體纖微毒嗜膚那能一炬便教無細思物理戰然笑  
此亦飛鳴食肉徒

江南江北賊未平浙東浙西多戍兵諸軍且效河朔飲  
六月戎車罷戰爭

灌畦起早午微倦何計消磨此日長  
蠶螟螫肥黃蟹瘦  
醅酲一壺生晝涼

小院牆高闌檻靜晚風默坐百慮芟  
不知明月已東上  
花影參差來葛衫

北斗南箕奈爾何  
王良策馬車騎多  
牽牛織女正愁絕  
幾箇流星飛渡河

雜種園蔬無隙地  
豆棚瓜架還縱橫  
夜闌夢醒滿牖月  
閒聽高低絡緯聲

布韞襪鞋吾自適  
韉袍襪襪客何勞  
須臾客去更赤腳  
籬角梧桐今漸高

連朝急雨入新秋  
便覺齋居事事幽  
數朵蕭疎綻深碧  
詩存四

一襟涼思在牽牛

園中有瓜青且黃  
引蔓草根深自藏  
誰令蛇虺實汝腹  
毒蝕汝心徒括囊

虎耳草能瘳耳疾  
射干花解療咽喉  
棄捐階砌閒無用  
付與詩人聊寫愁

題獨坐撫琴圖

未有琴先有音音何在琴之心  
空齋蕭然坐正襟  
爐烟自浮心自沈  
太古非古今  
非今松風  
琴琴無琴心無心

七月十六夜對月同錫貞韵

是夜月蝕

銀漢當空斗柄西  
高寒何物犯璇題  
瑕瑜於世一瞬息

盈闕在天無委圭依舊冰輪懸碧落忽聞風簷度前溪  
流離幾輩思鄉淚此夕悲歡總不齊

有寄沓前韵

鴉鵙東飛燕燕西衡茅幾輩羨棖題當時捧檄方毛義  
別後移文任穉圭名士盡求句漏令落花都出武陵溪  
計功謀利今誰是眾楚紛紛笑一齊

又沓前韵一首

恩威久播夜郎西航海來朝又白題奉使誰爲曹利用  
上書應有范如圭藩籬自昔區中外蕙藻於今竭澗溪  
狼虎無親況相忌伐謀無策閒秦齊

遣興沓前韵

詩存四

九

敢比東屯與瀼西門邊凡鳥任誰題年華漸釀雪雙髻  
墨水不肥田一圭差免笑人煩智叟屋前上壘甚高不  
能爲愚公之移也  
何妨因我號愚溪地本古張涇堰  
俗遂名張溪三杯疏酒陶然醉始  
信南華物可齊

雜詠園中草木

鳥梭兔斧斤徒以枝葉盛乃知姑息心愛材亦一病鳥  
梭  
果本劣又花而不實以其高茂意  
不忍伐然未秋先落枝葉已童然  
殘暑見秋花幽碧固非惡引蔓一何深暗中敗籬落牽  
牛

花

當時競春色相賞不曾疎花落實已摘誰憐此樹枯  
梅  
石榴苦遭蠹夏盡不知春主人久相棄猶作敗紅巾

柏樹瘦且孤，硬葉羞眾綠。畱待嚴寒時，青青自成獨。  
亂草除難盡，纒耒枉自勞。連秋幾宵雨，長與樹爭高。  
紫薇豔而雅，態不作炎涼。夏盛秋逾好，繁華特久長。  
漫託忘憂貌，徒成不義名。何如學蝴蝶，栩栩逐莊生。

類萱花葉不相見謂之不義草  
莠尾似高良薑俗名蝴蝶花

種竹裁數竿，靜對劇有意。蕭然君子風，自與凡俗異。  
叢蘭倚石根，無花葉亦好。惟恐肉眼多，芟夷或同草。  
去年種梧桐，芭蕉甲纔坼。蕉葉今蔽庭，梧桐僅逾尺。  
裊裊女蘿枝，幽豔勝菊婢。扁豆亦有絲，花妍實更美。  
裝飾淵明菊，看成兒女花。存真非我嬾，籬畔任橫斜。  
橘蠹化為蜨，蜨子復成蠹。蠹蜨自循環，焉知橘心苦。

詩存四

十

桂樹何連蜨，相期在岩穴。俗論重科名，還將累秋月。  
秋風弄奇巧，有意鬪春妍。老入花叢裡，羣芳應粲然。

紅有西風錦漢宮秋  
諸名總名老少年

溪光映高柳，紅掌柳根踏。安得置我園，憑闌聽鴨鴨。

適挂王禮秋言畫  
柳鴨意境極空濶

和小田三子詩

俗占人家蓄蜂，鴿無故飛去，竹忽枯死，皆敗徵。  
謂之三子小田作詩，意有所諷，因推廣之。

昔當周德衰，龍螭化為黿。朝陽絕鳴鳳，高岡桐不鱗。  
物性無大小，怪變自有源。鴿固鳥之靈，歸出羣飛翻。蜂知  
君臣義，釀蜜不憚煩。竹筍尤易生，戢戢俄滿園。凡茲本

天成字育人所援物亦借人力一氣同寒暄氣乖物耗  
散和則皆孳蕃枯苑匪自天相應如風旛我讀角弓詩  
三復義勿諉兄弟及昏姻曷爲使偏反反駒旣不顧教  
孫豈云兔螺贏空負子脊令悲在原韡韡常棣花忘憂  
不如護乃有烏啄屋乃有犢破轅乃有蠹蝕木乃有蠅  
止樊乃有荆棘叢縱橫敗籬藩乃有澤中槐出火以自  
燔八龍與三鳳腐鼠徒嚇鷓喬木風蕭蕭憩者何敢言  
乖氣實使之欲輕誰能軒我欲竟此曲此曲鬱以窓和  
君三子詠尙慎耳屬垣

小園偶作

灌罷園蔬負手行晚寒籬落半陰晴經冬宿草青如此

詩存四

十一

霜雪年來亦世情

喜雪用禁體寄小田

重陽得晴冬苦旱正恐來歲無麥苗天公有意弄狡獪  
忽變陰雨連昏朝頻年入臘久無雪滕六老嬾蒙譏嘲  
奮然補過初試手瓦溝未積先已消北風作氣一再鼓  
臥聞徹夜鳴調刁晨興失喜日穿牖啟視但覺寒光搖  
庭階高下混一色雜樹不辨誰枝條檐頭微溜漸滴瀝  
空外餘勢猶翩翩恰疑杵臼細春擣倍穫持示天田饒  
竭來僕指見三白快意已足忘飢枵平時畏冷戶不出  
輒思著屐陵山椒涪翁詩骨老且瘦稜稜獨與松後凋  
此時聳肩煨榾柮呵凍何以酬黃嬌歐陽有例禁寸鐵

曳白請勿辭三蕉

新正遣興

幾家爆竹

二字見武林舊事

作春聲草草年華忽又更紙閣蘆

簾聊位置蠟梅天燭也縱橫人情傾倒屠蘇酒世味糊

塗骨董羹差喜叩門無賀客擁書消受滿胸晴

雨水後又雪適小田和予禁體詩見寄倒押前韵

酬之

先生詩思如剝蕉老幹恥作春芳嬌空山偃蹇冷花發

霜雪雖盛無由凋釣筒浮潮寄尺素不惜箇桂酬申椒

上元燈後過三日義馭昨已離元枵天公薄相亦善戲

特鼓餘勇誇豐饒似憐此老太枯寂催詩又遣絲英飄

詩存四

三

東風入樹了無跡但覺四野空蕭條狐裘貂帽安且吉

重喬河上方消搖凍蠅不出苦鑽紙餓虎欲突巖鳴刁

感時空自酒腸熱見現那得妖氛消癡龍髮姍屢起舞

豈慮蠓蜓還相嘲請君洗盞歌上瑞

山谷詩東皇賦上瑞來甯黃屋憂

杲杲日出曦晨朝

皇仁柔遠布春澤行見千羽馴頑苗

小田以祀竈夕復雪詩見示別有會同韵戲作

風雨殘寒迫送神朝天歸路盡如銀黃羊索祭期金屋

白鳳前驅洒玉塵上界看來花似霧平時知否桂爲薪

飄婁兩目公乎醉聊報豐年慰主人

讀漢書五行志書後

春秋紀周正三月實歲首雨雪書庚辰雷電先癸酉相距八日閒氣應何雜糅陰陽互相乘失序迺其偶漢運當元成災異歲頻有劉生說洪範一一論休咎要其寓規諫用意亦良厚俗儒昧天人古傳幾覆瓿天變誠難知人謀果臧否毋謂斷爛文此藥不龜手掩卷一涕洟嗟哉隱公九

詠虞美人

大王風亦解溫存嬰娜柔枝泣露痕小草遂關區國恨名花生合美人魂翻因豔極疑妖冶獨殿春餘似感恩我效楚歌卿楚舞霸圖殘夢付芳樽

董夢蘭

兆熊

哀詞

詩存四

三

此病何名止積勞誰令觸暑事征舸可能抄撮歸天庾其奈追呼甚石壕狐竟作威知虎猛鷺皆爭食聽鴻噉煩冤一片桐溪水生是儒酸鬼不豪

一別春風事變遷碧梧翠竹

君居停處齋名

兩蕭然等身著作

誰千古

詩所著有樊榭詩注朱子門人考明儒事實

畢世

交情只九年共命忽驚賢婦後

君婦後君九日卒

修文早夢故

人先

沈孝廉曰富錢廣文熙泰俱前君卒君嘗夢與同被召

豺狼滿地何時滅閭

閭排雲好問天

雜詩

此心本無營漸與閒逸親匪曰託高尚聊以全吾神飢寒分所宜暫免豈得煩資生我何術乃欲辭窮民世事

有反覆歲月多因循俄焉松菊秋俄焉桃李春桃李非  
不榮吾愛松菊真

種菊東籬下眾草蕪且蕃灌菊草亦滋刈草傷菊根釋  
此兩不事草長充籬藩菊葉漸黃落莖幹亦僅存夜露  
不及濡風雨徒攀翻微蟲彼何知齷齪肯少憐人事既  
鹵莽焉能覲天全

不以人廢言聽者宜用恕質諸立言心此論甯自據空  
文取魏科華詞博聲譽亦託義與仁媿媿垂述著玉卮  
既無當畫餅豈堪飫其言或一然於已復何與清夜聞  
鳴鐘汗下每至曙

秋蟲與春鳥時至聊一鳴此聲真化工天籟無俗情文

詩存四

十四

人固結習懷抱或自傾抒寫亦偶然詎曰非心聲豚蹄  
祝甌窶乃覲千載名千載即可傳其意已不誠蟲鳥我  
所師唱和同嚶嚶

我家素貧賤久已廢儒業我幼喜讀書我父任所習傷  
哉五載閒三喪祖母痛焉哉兩弟穉且魯治生冀速立  
長妹適窶人三十死未及次妹歸鄉農饗飧常不給依  
人我一身奔走時汲汲屈指卅餘年百注恃一挹骨肉  
各異方大海萍兩葉罔極何所酬空然淚承睫

少年恃捷悟章句寡所親過目輒了了自謂記憶真誰  
知中年後開編恍如新得筌每失魚舖糟或遺醅臨文  
將有作詰籀苦不伸根本固未立枝葉何由振今人吾

孰如況乃思古人愧彼萬牛毛誰爲獨角麟

烏蠅形醜惡復抱蠶蠱資遺種在草間所過成瘡痍中庭有嘉植綠葉無子遺逞其饕餮性豈特桑與葵一朝忽蛻去鼓翅垂雙鬣翩然見文彩違記前身誰拚飛觸蛛網欲脫焉能揮本無凌霄質易形空爾爲昔爲人所惡今爲人所悲

伏雌引眾雛別弱來庭前見食常相呼小大無所偏眾雛亦殷殷成行儼隨肩昨日毛羽成飛走能自便奪食輒相啄稍強乃爲先不念離殼初一氣同所天老雌無奈何啄草牆陰邊吁嗟彼物爾物爾人豈然

抱寶晨灌畦抱寶夕灌畦畦中多黃葉枝上無綠蕒有

詩存四

五

叟前致詞物理君未識灌漑徒自勞豈能繁其植燥溼物異性肥磽物異宜性宜順所適蚤晚亦有時已溼勿復濡已肥勿添壅宜風不可翳宜疎不可亢冬日夏則畏時雨恆則傷天道本好生太過爲物殃君今學灌畦未習灌畦理灌畦且不能其他可知矣

客從何方來貽我一紙書上言金陵賊首逆潛蕪湖西江幾肅清今復遭翦屠捻匪竄山左道路皆萑蒲故人入京師北上此要途下言暨陽城眾士方曳裾揚鬢望禹門跋蹙爲龍魚開函再三讀俯仰增索歔阿稽市酒回引酸南胸虛脫粟炊作飯野菜烹作菹書中何所言

醉後庸憶諸

課花軒雜感

瞰室探囊兩不驚課花軒相傳有鬼然子常獨居此初不聞聲今春盜又至蕭然行李夢魂清叩關無客出門字先於其日行矣嬾坐臥一龕心太平

古柏盆傾蔓草牽凋零柏幹折霜烟荒庭棄擲無人惜  
曾費栽培數十年

一叢天竹近牆隅鳥雀啁啾日覬覦啄到髭枝無可啄  
還來苔磴覓遺珠

塊壘難憑濁酒澆當年空笑蓋寬饒元規塵泥劉輿賦  
早使人閒熱血消

入時花樣鏡中看人道先生骨相寒已是襟裾到牛馬  
詩存四

何妨從此溺儒冠

辟穀辭家便入林燒丹兼要煉黃金傾身障簾綠何事  
無限春蠶未死心

不學瞿曇不學仙率真惟任性中天次宗已入白蓮社  
晦甫謂席五柳先生只醉眠

海鷗相聚兩無猜二老風流自往來郡城中時相聚者惟小田一人落  
落乾坤供一醉蒼茫懷抱入深杯

贈陸日愛

君住松陵上天隨慕昔賢放懷觀世故刻意事詩篇所  
勗在千古神交今數年元真吾敢望相約刺漁船

悼楊堃

書記乍翩翩翼生竟天年病牽妻子累貧賴故人憐一  
世詩爲命干場酒亦仙海山魂夢在或者證身前病篤時有  
所夢云

### 歲暮

歲暮寒深且閉關茅柴酒薄易酩酊顏暫拋書卷兒童喜  
稍遠虞羅鳥雀閒野風多荷作屋平原障少雪爲山  
護羌充國今無恙數載屯田髻亦斑

### 寄江溟杭州

草檄書生事何嫌祿仕卑乾坤空按劍雨雪獨登陴小  
劫湖山黯春寒草木萎賦詩能退敵殘寇莫相窺

### 春雨久困喜小田至

#### 詩存四

七

入春遂陰霖忽忽過上巳南牖闔如漆冷氣颯破紙柔  
柳澀未稊何況蘭蕙芷日光如曇花一現不及視句芒  
實司令生長方自始冬暖春凝寒天紀亦稍弛沿江竄  
窮寇七載困封豕巖巖諸將帥坐鎮雄鼎峙張羅待焦  
明出柙憑虎兇比者廣德陷烏合聲更哆杭州已被兵  
禾郡連尺咫紛紛計遷徙傳說徧塵市蘇垣亦戒嚴徵  
兵守樓雉官符急捉船舟楫斷江涘似聞呼號聲蹀躞  
亂屐齒無策安一方庸懷良自恥閉門擁敗絮弄筆僵  
十指何期風雪中故人忽來此坐定述所聞委曲略相  
似因數癸丑年避難別桑梓萍泊寄此邦千里遙祭祀  
草賊豈久存枯朽當易阨誰知事不然河清復安俟茲

鄉比桃源農氓頗樂只今當事東作將見錢鏐唐一朝  
遇瘡痍那得顧耒耜鯨鯢翻大海鯢鯢擾溪沚城郭不  
可居鄉村亦難恃天涯徧荆棘何處容足趾嗚呼彼草  
竊蠢動等蟲豸向值乾嘉朝甯足勞一矢所恨承平久  
專閩乏任使指揮既無具進退徒竄黜因循豢寇讐狂  
瀾孰能砥遭迤命所值詎獨吾與子天人理相通災沴  
微昔史浮雲漫太空雨勢正未止油臺早零落麥苗半  
爛死即使賊不來亦恐病耕耔萬事姑聽天威感慙達  
士君言載酒來開甕香且泚中廚燃溼薪餼藪雜乾肺  
傾觴語中宵屢翦燭花紫酒渴且勿憂鳴檐足泉水

三月十一夜大雪明日晴得小田書卻寄

詩存四

六

咸豐歲庚申清明三月節前三日乙亥寒氣尤慄冽風  
從東北來薄暮乃大雪飛揚若自喜作勢故洶送初看  
瓦縫平旋見苔磴凸積雨每浹旬餘澤猶可擷天公富  
膏脂不似民易竭去冬久晴暝草木潛已茁寒溫忽易  
候毋乃有天折不寤造物心何爲弄奇譎黃昏聽淅瀝  
欲飲無翹鬢瑟縮展布衾著體如裹鐵卻憶諸健兒連  
營戍西浙巖更數刁斗冰連鬢須結奇兵固難用防患  
慮應切此正努力時壯氣慎勿芥安得酒千斛澆爾腸  
內熱或者種與胥忠憤無所泄怒翻錢唐潮飛灑作玉  
屑空中萬鱗甲凍此醜類絕窮思聊快意入夢聞寇滅  
寒光透重帷未曙先皎潔侵晨畏披衣有若蟹戀蝓荒

圃忽改觀瓊瑤儼林列朝陽漸開駁如馬初脫絀急湏  
聲淙淙消鑠眞一瞥故人寄我書將軍信英傑杭城昨  
已復殘寇今涸轍行當鼓餘勇次弟掃羣蠶亂匪降自  
天嗟哉下民孽但願陰陽調春風解幽閉坊結宇內同  
昭蘇康樂登耄耄明日當踏青秦山酒同挈

### 九洲洲

弔張副帥

國樑

也副帥攻復九洲洲江甯賊窮

驅飢民填壕衝破大營兵潰副帥退至丹陽戰

死時咸豐庚申閏月也

失我九洲洲餓賊不死壯士羞復我九洲洲斷賊接濟  
智士憂金陵城中困獸怒抉藩一出勢莫收飢民前驅

### 詩存四

九

賊後頭墜坑落塹後者蹂狼嚎豕突天地愁聞春立夏  
如暮秋桓桓張將軍裂臂揮兩矛七日七夜戰不休明  
月照地積雪流馬蹏蹋破萬觜饑援兵四潰裏絕餓墮  
馬復上氣愈道烏呼失九洲復九洲九洲再失何時復  
金陵城頭賊鼓腹雲陽城邊戰魂哭

朱涇東林寺贈符

葆森

廣陵有窮士避寇船子灘病足行步澀拳跼屋兩閒大  
兒阻江北音問頗復難獨攜無母雛一僕孃且頑終朝  
對筆研垂白興未闌編詩繼吳興君選國朝詩正雅  
一一淫哇刪相慕幾而歲今始識子顏少坐頻蹙頰夜  
夜夢故山蘇城又見告豺虎踰吾園偪側此一隅何能

離人寰劫成固非偶禍至徒慨歎東南久奢靡淫巧亦  
已殫卽如揚與蘇民俗俾最瘠百金縫一襦千萬治一  
環富者競夸尙中人謁躋攀司牧本爲民此義忘伐檀  
借公事誅求搜剔徧紳羨所期囊橐充軍國置等閒尺  
籍多虛名軍興餉尤艱濫招乞索徒強使長弓彎自從  
大營失全勢毋乃翻潰兵非不多持節誰抵攔破竹遂  
南驅未可測後患茲里實邑治咫尺連郡垣遷林遁栖  
禽避燉來窮翰鵲巢鳩暫居誰謂鴻漸磐側聞曾尙書  
授鉞方登壇去此千里遙轉戰經重關鞭長馬腹遠得  
不蹂籬樊蒼生吾與君蕭然兩儒酸家累苟可遣便作  
管幼安念此長咨嗟胸臆徒往還姚合我舊姻餽我餽

詩存四

三

滿盤妻兄姚燕穀杏  
土以酒餽饋君出所藏酒舉醖聊其懼此室昔  
所寓比已十載寬卻數當日事滄桑感無端道光已酉  
庚戌開予

中乾

嘗以他  
事寓此一家尙爾爾世變深可原世變且勿慮慮子瓶

胥江

胥江帶水接嘉禾四月腥風捲蜃波吳地山川思遜抗  
申朝人物見王何夜郎遂啟僬僥國壯士誰收曳落河  
一樣東南脣齒倚流離蒿目不成歌

狂寇

狂寇遂南竄風聲不可聞刀磨三泖水火照九峰雲借  
面狐嗥書焚巢鳥失羣七年叨蔽扞空憶尙將軍咸豐  
三年

春賊陷江甯卽欲下甯蘇杭適  
總統向軍門榮躡至乃細其謀

越騎敢先鳴，拚渠賊亦驚。先有黃衣賊目騎馬幾人張

怒氣一戰背空城，都尉身家重。詞臣節義輕，臨危誰致

命，只有十忠貞。雙合十乃詭  
戰敗死之

### 秋懷

從來秋士例悲秋，家世偁詩況。四愁碧落銀河天，莽莽

美人香草思悠悠。星沈玉帳哀猿鶴，風折牙旗走馬牛。

千古鴟夷靈爽在，五湖無恙一漁舟。

宋宋茸城晝夜開，無因消息問蘇臺。百川到海江先注，

羣燕辭巢鴈未回。入市金笳吹曉月，驚天礮火響晴雷。

退飛忽見西風鷁，又報烽烟自浙來。

### 詩存四

三

浦江風雨作秋聲，潮去潮來自不平。回紇可能終助順，

吐蕃聞說又渝盟。廳輪激水飛艘過，畫檻陵空廣厦成。

勝絕偏隅真樂國，未妨談笑俟河清。

參商希見況晨星，大海從漂兩葉萍。往日歡遊皆醉夢，

一時朋舊半凋零。人間豈有王官谷，詩句渾慙野史亭。

為謝空山反招隱，只愁無地抱遺經。

### 題蔣樹本種花圖并謝贈蘭

花各有性情，種者謹其始。培溉量所宜，正與毓材似。寒

暄與燥溼失度，判生死裁翦頗賴人。豈徒天工恃蔣君，

志風雅妙理契花史。庭宇無冬春，芳葩爛紅紫。客來但

驚咤悅目競，夸侈豈知費辛勤。朝夕勞撫視，嗟予晚學

圃餘事亦喜此竹樹蓮瓜畦藥花覆蒼瓦橫斜任開落  
懶拙還自恥君應笑荒蕪健僕特走使饋我雙白璧碧  
葉紛繞指恰如蓬華中入座得佳士無言趣已遠不待  
啟唇齒世路方荆榛君心自蘭芷作圖寄所適亦足觀  
意惜蕭艾爭充幃滔滔彼誰子

細桃盛開柬小田

荒園碧桃昨日開老翁愛花何不來侵晨微雨急走看  
那管履韞黏青苔皎如積玉出元圃錯落閒以紅玫瑰  
翩如舞鶴炫毛羽縞衣丹頂光裘裏白雲片片暎朝日  
羣仙遊戲金銀臺卻疑花妖弄狡獪一樹并合杏與梅  
可憐此屋久肩闕五載棄擲隨蒿萊芭苴過牆海棠短

詩存四

三

山櫻結實纏枯蘂嗟爾神采獨秀發俛視別種皆輿僂  
斯人精靈或未滅謂梅生玉樹不自甘長埋攀枝欲折忽  
歎息曉露厭浥如啼哀繅花似錦不及賞付與後世知  
誰栽呼兒洗瓶速汲水供向棐几晴胸限因招詩老暇  
過我惜有粗茗無良醅

錫卣成婚書此以示

草草成婚禮干戈正沸騰亂離疎節目憂喜累親朋回  
首年時事傷心涕淚增予婚時孤露已數年雙親老猶健此福爾  
偏承

紀事

享寵爰居忽大風

總戎米興朝統兵赴浙防堵

瓦山戍卒一時空開

關禦敵軍誠壯閒道潛師內已訖乍浦副都統錫齡阿

道入城兩鬢秋霜身報國九峰雲氣海朝東浙西門

戶連城峙失陷何堪此日同乍浦失守副統戰死

妖鳴闌入大姚村婦孺驚嘯盡室奔桑下昔曾三宿戀

桃源今有幾家存田廬接吟人烟絕風雨連朝日月昏

間道健兒能殺賊賊頗畏長龍船不知何意縱游魂

陷淖沾泥溝水頭嚴妝當日坐紅樓容身漫計生何託

破卵難期室尙留幾姓萍逢同草舍一家蓬轉付扁舟

琴書几席歸無恙等是逃亡我已優

金穴銅山半劫灰白雲黃鶴幾時回天錢可摘登無路

海市誰通債有臺佩犢少年扛鼎力爛羊都尉治兵才

不愁谿壑填難滿大令廉明善理財

寄小田避居南滙

吾邑南沙路相思水一方有生皆寓客何處定他鄉喜

此寇氛遠憐余歸夢長黃昏看北斗河漢又斜行

宋寔復宋寔鄉居何所親扶筇村犬吠問路野人嗔詩

就教孫子月來成主賓無勞饋藜藿原憲故長貧

倉卒避亂至周浦小田以布絮寄贈感而有作

出門無襪被避難一何迫故人憐我寒寄我以絮帛遊

子歸故鄉而我反為客親朋偶相見問訊腕徒扼平時

行路難何況當兵革

鬼語行

八月十八夜大雨浦東浦北聞鬼語忽焉在空中忽焉  
在庭宇雨聲悽絕鬼更哀如泣如訴何爲哉子孫逃凶  
不得倉若赦之鬼紛俱來不然賊氛將至鬼先懼結侶  
呼羣相率去或言國殤之魄爲鬼雄鬼車鬼馬旋鬼風  
積冤深憤盡一發長驅鬼兵摧賊鋒身乎人謀不臧鬼  
徒決不如停聲歸鬼穴君不見鬼伯開筵飲人血地下  
笙歌看明月

德勇行

卓旗忽至何紛紛殘月未上日已昏沿街闔市橫索人  
鞭撻扣戶刀斫門炊飯飯我酒滿樽牛羊鵝鴨魚雞豚  
闐然入室搜錢緡簪環傳珥纏臂銀衣裳縑帛雜組紉

詩存四

書

芙蓉之膏錦繡茵有或不供火伴噴盤頭大辮腰紅巾  
撫軍親軍勇且尊見敵未近毋數奔功成畫像圖麒麟

述懷一首

窮鳥得一枝營巢大非易明知近鷹鷂力小艱轉徙僦  
屋傍張涇感我死友意

梅生嘗訂同居及子遷張堰梅生先一年死矣

老屋八

九閒足以資偃憩前園添竹梅雜花亦時藝後圃種菜  
蔬瓜蔬粗可繼編籬中界畫培土深壅蔽晨朝學抱甕  
勞苦違自賁小來愛書史善本心所係積聚三十年萬  
卷親審諦槩薄一室閒羅列供懶祭每於思議窮撫景  
一凝睇悠然與物化所得無滯義至今六閱歲譬若蟬  
在翳小人享清福遂爲造物忌仲秋月初四其日雨新

霽喧傳浙寇來指顧見賊騎我感新移居

姚杏土自有鄉間遷至有

舟勸同濟事出倉黃聞身外皆所棄一舟十五人坐臥

不復計東行適何方欲往遲鼓柁但見烟欲騰人聲四

如沸經過數邨市傳說多同異遷延至澧溪宛轉託親

誼積雨地庫溼且幸得所庇毋爲蝸角爭差作蟪蛄寄

遙憐抱甕居正在兵火際家具不滿車狼藉何足記庭

柯十餘樹那得辭斬刈所惜萬卷書蹴蹋同敝屣猶憶

四月初聞警遷近地離家五六日啟鐫頗喪氣蛛絲縈

几榻塵土徧篋笥新竹橫穿牆亂草高過砌常時所畜

貓骨出尾還曳見我如驚鷹向暗急竄避當時賊未至

此景已堪涕貓今應餓死屋則爲賊敝即使幸西還畱

詩存四

三

遺復餘幾曲突苟蚤圖

仲弟於四月朔遷或能冀因循初力勸東遷

久不決後悔焉可厲況今大帥策未定戰守議嗷嘈諸

練勇執戟如兒戲西南多要隘得不謀重閉澧溪我故

閭親舊半衰替非無先人廬鵲巢鳩自隸可憐幕上烏

蹙蹙靡所戾已矣勿復言飢寒日憔悴

此後

此後都無策餘生一贅民亂離妻子散貧賤弟兄親獨  
立吟諸將忘言念古人何須論經世已拙是謀身

滬城雜感

城郭都非故

不至滬已十年

眞疑化鶴遊滄桑經小劫鼓角動

新愁海氣易成市神仙偏好樓袁公有遺壘無處問荒

洲  
一浦環三面蒼茫接海流  
朝廷天北極節鉞古諸侯  
醉夢魚龍戲鱗華燕雀秋  
平生鄙黃歇到此賴鴻溝

由周浦避賊走至百曲邨  
咸豐辛酉十二月十七日

夜半傳賊來披衣起摸索  
兒女啼烏烏鄰里皆已作出  
門四顧望冷氣入齒  
腳踏展泥淖中人聲犬聲錯野行  
昧途路幸未攜囊囊苦月憐人窮  
久照不忍落

宿陳家邨聞賊近走至浦邊  
十一月二日

茅屋多風霜蒙被效拳鷺  
邨人呼速起惘惘卽行路殘  
月升未高昏昏暎寒霧  
前夕月尚皎今夕月已微  
正如避難人勢蹙日漸非  
神龍潛深淵黃鵠遊海嶠  
奔走求

詩存四

生全能母壯士笑

滬城晤楊  
葆光  
月二十六日

相對眞如夢重逢滬濱城  
豺狼方接跡雨雪此孤征  
慘目兵戈劫傷心骨肉情  
東南天宇窄何處託浮生

與錢鼎卿學博  
熙輔  
夜話

風雪暮停舟殘寒問舊遊  
冬來已三  
子猷今訪戴王絮  
故依劉叢爵驚相集城狐隱  
共憂翦燈聊說鬼且未訴

離愁

連日大雪歲除始止寒甚有感

倒海作瓊瑤昏昏大雪飄  
貞元當此際來復始今朝  
立  
晞七已覩堅冰至何時見  
晁消人心與天道我欲問參

寥

酬楊葆光除夕之作

雪後樓臺望最佳風光其柰入愁懷  
驚聞菜價根難敲怕問妻孥淚  
自揩客館寒燈人度歲胡笳銅鼓  
鬼巡街宵闌把酒還相勸  
猶幸淒涼與子偕

同治元年新正有紀

晴開八表物同春此日朝廷氣象  
新四罪蚤聞

四目重華更見月重輪恩施狐兔  
寬天網威

憚蛟蛇肅海濱郡城浦東連獲大勝  
臘尾況深三尺雪豐年無待

祀蝗神

雜紀

詩存四

七

雄城踞浦江海船達遼左南通粵與  
閩百物餘且夥西夷越重洋引類如  
螺贏自從廿年來樓閣增破礮郊垵  
成街衢遂闢北門鎖滔滔慕利徒有  
若蛾赴火三年困紅巾屯難亦已煩  
如何創痍平轉更長驕情卽今寇氛  
逼所患非瘼蠡醜然罔聞知直恃夷  
衛我比戶笙歌喧摩肩青紫挖百萬  
擲樗蒲千金贈嫗娜南城多餓殍載  
道呼荷荷誰能捐勺糜旦夕延亦可  
忍哉擁厚貲作繭深自裹頃聞賊勢  
衰兵威漸能播厭亂或天心人實未  
悔禍

巨墟北門外冢墓何岷嶮轉瞬二十  
年蜃氣成樓臺閩閩左右列馳道中  
央開市肆集五方奇巧無不該卷髮

碧兩瞳黃須繞其顛白布縫作巾袴褶縛韎韋持杖走  
扶人側目不敢哈亦有紅罽衣面色如煤良像真如達  
摩云自佛國來朝出西郭門午奪雞羊回彼美嬋媛子  
輕紗映蛾眉帖地拖長裙壓首繅花堆蹀躞遊廣場道  
路光徘徊鳩舌言兜離窄袖衣短裁甘心變於夷獨非  
吾民哉華夷互襍沓街衢背相推車驅馬且馳過處惟  
塵埃下有陳死人白骨同飛灰

十緡賃一椽百金賃一室棄彼華廡居卷跼入蓬篚自  
從金陵陷淪胥至今日約略全吳人蟻附此一垤去冬  
紹甯破杭郡亦隨失亡命得浮家長物所未郵紛紛投  
樂郊縮地苦無術嗟此逋逃藪戶版如比櫛遂令土木

詩存四

天

工日夜不暫逸杜老眼中屋廣厦何翠嶺碧檻盤虛空  
欄廊繞堂密其中居何人嘲哢不可詰豐蔀易所誠盛  
極天亦嫉安知蕭牆聞而必無顛蹟愚夫多杞憂聞見  
皆可怵栖栖乞食身何能計安佚借問桃花源何如包  
山橋

輪船載天兵浮海先後至徒跣單布衣其氣肅且警傳  
聞李臨淮百戰兼勇智意尤崇儉樸輦帶懍三褫所以  
嚴軍容出入無敢恣物價爭一錢割耳鳴市肆列營南  
門外練卒日二次尅日復諸城先聲奪賊志因循幾而  
月供億非易事習俗能移人服采漸以侈百物方貴騰  
何以籌犒賜夷兵拔膠城聞已立漢幟悲哉浦以東一

擊禍愈熾尋仇苦焚殺骸骨誰復識波血入浦江舉目  
不忍視何時遂東征殲彼狼與豕庶幾招流亡東作或  
可治

述鄉人語

有自賊中至告我以賊情當賊初來時走避孰敢攫窮  
鄉匙金帛布縷賊所輕斗糧卒歲資雞鴨豬羊并把茅  
雖未燒回看室已傾前邨某家女抗賊戕其生亦有某  
家兒被擄隨賊行私幸家室完飲恨姑吞聲何來偽鄉  
官挨戶書人名按月責捐輸令爾婦子甯蓄髮爲長毛  
令爾登太平於心固不然誰能與之爭謂可暫休息乃  
復時相驚何以秣賊馬田中麥青青何以供賊薪破屋

詩存四

五

摧欄楹鄉閒穢稘盡餓魄交縱橫彘軍歎下鄉飛礮轟  
雷霆羣賊馘且懼奔竄如猘鼯鄉人競搏擊破蝨難爲  
窟昨者彘軍去捆載何彭亨壯幼多脅從驅之入滬城  
得地既不守殘燼徒零星須臾賊復來毒噬尤狎獮逢  
人卽斫勢欲無留氓民賊不兩立茹飢強支定空拳  
冒白刃繼進無官兵解散半死亡冤魂幾能醒子身脫  
網羅自顧非人形可憐浦以東血濺愁雲腥聞言憤填  
臆淚下心怦怦鄉農爾何辜慘獨罹天刑沿海抵浙西  
在處連賊營區區此一隅仰屋聞號嗚石米踰八千如  
何給桑盛況今過立夏靈雨亦旣零急當解倒懸次乃  
招歸耕耒耜爲賊毀耕牛爲賊烹歸耕頗未易當事宜

有程農時苟一失飢荒盜斯萌彼賊何足言所恃秋收  
成作詩告當事語拙君試聽

雜興絕句

浮海居羸共一枝金城環繞又湯池白頭幾許遼東豕  
絕倒藜牀坐對時

窄袖蠻衿緊帖身毳衣盤刺絡垂銀如椽大瓣如箕髻  
詭狀多於異國人

百萬生靈委逝波三年苟活柰君何棄師向笑平原拙  
地下相逢負媿多

一曲紅綃遂擅名年華老大百無成門前冷落商人婦  
猶抱琵琶賺後生

詩存四

三

兩姑之際婦難爲無米還凭巧手炊昨日羽書催餉急  
可憐民困又兵羸

五方雜處一城孤長嘯傳聞會卻胡猶有龔黃遺政在  
循聲能及舊時無

物價昂皆倍蓰餘豈徒薪桂米如珠難居更比長安甚  
有客攜擘又卜居

朋舊相逢半涕零爲言蹤跡各蓬萍不知天佑黃巾意  
要遣偏隅聚德星

江浙知名之士皆逃難來此

一卷兵書誤子房屠龍無術誑飢腸穀城依舊逢黃石

請試神仙辟穀方

戲謂小田

幾樹垂楊綠罨津樓頭栢茗小畱賓年來一醉渾難得

不及將軍有告身

失子二十首

人生不得意孰如失子悲每讀古人集急手翻過之誰  
知心所諱卒乃躬蹈茲我幼蚤孤露每慮得子遲三十  
又過二得子喜可知其後兩舉雄殤折月未彌竭來五  
十餘老幹存孤枝忽復奪之去清夜還自思天乎罪我  
酷毋乃緣文辭文辭宜毀棄顧作失子詩

我昔住甥館十日九出門婦翁老無嗣撫汝如真孫恃  
愛雖頑劣頗亦具慧根屬對或誦詩命汝侍酒尊而我  
有時歸稍與粗淺論惟恐所業荒督責令自温翁見每  
解圍緩步何須奔身乎俗富貴匪我思所存要當識禮

詩存四

三

義免諂犬與豚

自我婦翁沒歲歲謀移居在苒五六年方儼一畝廬其  
時我病瘧四體艱展舒啜糜及溲溺惟汝扶持胥間卽  
整家具長物先琴書仲春徙張溪措置頗賴渠我瘧久  
未痊忽忽兩載餘米鹽向所拙而況在病與兒能勤治  
家免我多躊躇

愛博力不專我病昔坐此兒今復過之驚廣猶不止師  
嚴課有程根本在經史雜文詩若詞遠末可緩俟雕鐫  
及繪畫能否奚足齒兒質僅中下何得漫自侈及乎驗  
所得究竟無一是好儉誠亦佳俸利則近市誠兒慎無  
然貧富天所使

我性頗褊隘落落寡所親自從徒張溪來往無幾人兒  
何喜交遊使我多雜賓聖云益哉三握甌非其倫少年  
氣浮薄肝膽誰爲眞閉門卽深山典籍如飲醕修學苟  
自立何憂德無鄰

爲汝聘太原外翁久撩倒汝師向我言

沈君定庵爲之蹇修

娶婦

亦非蚤去春乍城警眾意方悼恠凶促遂成婚禮節頗  
草草卻憶生汝初啞啞在襁褓居然見成人吾年亦已  
老時危苦兵革家室未易保勿以惕厲心靡於閨房好  
外翁見婿殷歸甯約三日汝去甫經旬燧燧日以密汝  
叔勸我行行李實倉卒里巷俱已空風雨何颺颺其夜  
汝適還問答初未畢方舟抵阮溪兵至賊已逸汝仍送

詩存四

三

婦去同行叔與姪我卻返所居琴書幸無失念汝方新  
婚奔走不遑櫛

汝從豐溪返汝母猶阮溪汝來省父母往返時東西東  
西二十里面目能無驚所幸仲夏來賊勢稍解攜金平  
壤雖接亦似分町畦鄰里漸相集市肆稍已齊汝亦侍  
母回窮鳥戀所栖因循至孟秋將往迎其妻汝母愛汝  
深勸我毋汝稽汝行毋久畱使我增憂瘳

汝舅自鄉來分居兩頭屋朝夕相過從杯酒不憂獨汝

近肯用心史漢能細讀亦知校身焉質疑頗可覆汝舅

謂汝材譬若矢有鏃我亦姑聽汝甘爲不材木每從灌

園暇樂事徵卷軸情話一室閒聊以遣炎燠

自汝迎婦歸屈指十日耳瑄聞賊眾來倏忽近西市芒  
然呼眷屬那得顧行李汝舅促登舟迴見烟燄起官軍  
寡難敵須臾鼓聲死是夜宿阮溪居人亦逃矣幸有同  
宗人煮飯還設被

自阮溪而東黃昏抵南塘汝往叩相識席地幸可商婦  
孺十一人舟中坐徬徨自南塘而東曰至三官堂汝往  
叩所親爲汝妻父行肅客供晚餐既醉還聯牀遷延五  
六日歸期尙茫茫汝畱聽消息進退宜自量舟遂赴澧  
溪澧溪吾故鄉

兩月居澧溪望汝汝不至汝母往浦西我畱獨何事一  
再遊滬城惘惘仍失志仲冬汝東來言以足疾滯卽今

詩存四

三

居外家翁老舅猶樨催租赴郡城紆途母可視雨後方  
凝寒朔風凜如刺單衣宿夜航念此淚難制

南橋戍卒潰賊眾遂長驅其志在剽掠所過皆丘墟奉  
南繼失守勢已無東隅著屐走荒邨展轉無定趨殘年  
大風雪還來滬城居存亾信隔絕知汝今何如

二月雪始消汝來一何晚自言遷徙苦心力皆已瘳路  
長雪沒腰赤足三往返嗟汝體素羸父母况在遠人口  
苟無虞外物憑聚散奮身爲親戚語孝適相反不悟父  
母心念汝忘寢飯

北路復兩邑

嘉定青浦

南路亦投誠首夏接汝書奉母徙郡

城郡城良可居要隘多戍兵況聞賊膽褫此方庶將平

誰何一達官作計工逢迎欲乘兩勝威徼倖圖功名連營一戰潰失勢爲賊輕兩邑旣再陷郡垣遂幾傾城中雖幸全城外無遺營殃民固由賊此禍誰所成

此禍誰所成汝死或緣此挈家出重圍冒險三涉水懨悅來滬城一見半驚喜母妻幸俱免所存一身耳語罷氣凋喪精爽非昔比詎徒奔迸勞憂窘方未已自賊起粵西巨室不知幾千萬於吾家何論倍與蕞家破人半

區浩劫天所啟語兒且達觀讀書貴明理

蟪蛄巢蚤睫蝓蝓寄蟹腹東西不二里一家分兩屬寓爲佛蘭西界家口雜處華彝閒百物皆桂玉明知非樂所寄爲英吉里界

郊瞻鳥止誰屋今年暑偏蚤仲夏苦炎溽人鯨地愈蒸

詩存四

三

豈得日往復春前況奇寒沴氣先已伏兼此兵革餘流殃詎非毒一病不崇朝汝死亦太促

窮途竄荆棘更復遭死喪敝袍附汝身殮以棺白楊客舍不畱殯一夕登北邙北邙多野鬼魂魄毋俛俛是日天大雨載道何淋浪汝叔送汝往涕泗沾衣裳汝母與汝妻慘哭摧中藏父子廿四年已矣徒悲傷

有客向我言君意毋自局出險乃病終焉知此非福天壽命自天夫豈爾子獨新婦喜將媿遺孕男可卜或者鄭小同家學竟能續再拜謝客言愛我誠善祝我年已就衰況此方蹙蹙壯盛遽中摧童乳詎易育家學何足云但願從樵牧

樵牧苟生男亦得延宗緒汝死十三日呱呱一雌舉戚友爲我嗟人事多齟齬汝婦增悲啼汝母淚難茹生男倘夭折朝露不及溘生女爲門楣何獨非疆圉明知事不然聊以慰兒女汝魄能知無我心柰何許我祖生二子其一我叔癡一子繼他氏似續誰閔斯我父生三男惟汝僅一枝一枝復何爲上有蘿與絲枝枯蘿嫋嫋結實焉所施我行負神明天壤不可搯世路方險巇否泰猶未知死者長已矣生者將奚之

移居三林塘遣懷

地以人傳尙姓林故家遺跡不堪尋昔有林氏兄弟三人自閩來居此因

名其居人愛說張司寇老屋巋然剩至今所假趙氏宅爲張文敏公

詩存四

七

居舊

水北長街一字開閭閻無恙避兵回碎身土木猶靈氣

冑爲黎民扞賊災

賊所至無不破碎獨此鎮完善而東西兩社神廟被毀神肢體皆折

息羽同來又各飛

本與鈕安濤張家鼎兩君約同居未兩月復各遷去

張涇南去

信音希無聊獨自尋秋出還折秋花獨自歸

一室

一室眞如斗卷然坐臥煩同居人語雜同居有蘇屬人

破夢市聲喧飢鼠晝窺案枯蝸時上垣晴牖書可展連

日雨潺湲

夏秋以來上游賊被圍勢蹙南漚奉賢川沙金山

青浦嘉定常熟諸城以次收復蓋惟會節相洞

察賊情操縱在握而李撫軍能承其節制相機  
剿撫非泄泄沓沓者所能與也喜而有作

羣盜如毛耳紅爐一燎休功名儒將事息偃大夫羞天  
道周星轉兵機與鬼謀和戎豈無利應變且懷柔

小田新遷東城地藏庵別後寄懷二首

閒處一庵畱殘年度客愁知君南望眼日日上城樓  
說法木上座吟詩金地藏蒲團堪借坐佛眼看僧忙

姚燕穀

以水仙花寄惠賦謝

蘭爲王者香水仙王者師蘭香靜而和清冽實遜之貴  
從冰雪候鍊此如玉姿脫身小草中欲敵寒梅枝一從  
遭寇難不見長相思數里遠寄將君意能我知素罇賊

詩存四

三

所遺注水還供茲酌酒荐湘君侑以靈均詞殘年成一  
笑此笑君所資

除夕戲占

殘書可讀飢何害濁酒難賒債亦無一事勝人眠較早  
滿街燈火聽追呼

